

Coronavirusip tuniluunneranut atatillugu (aningaasaliissuteqarnissamik) suliassanik ataatsimiititaliap suliarinninnera pillugu Aningaasaqarnermut Akileraartarnermullu Ataatsimiititaliap nalunaarutaanut ilanngussanut takussutissiaq:

Aningaasaliissuteqarnissamik suliassat:

- A. Una pillugu isummernissamat tunngavissiaq – **Aningaasarsiaqartunut ikiorsiissutit ilanngussartalik.** Suliaq nr. 869
- B. Una pillugu isummernissamat tunngavissiaq – **Inuussutissarsiortunut ikiorsiissutit ilanngussartalik.** Suliaq nr. 870
- C. Una pillugu isummernissamat tunngavissiaq – **Akileraarutitut akitsuutinullu imikkut ittumik iliuitsit ilanngussartalik.** Suliaq nr. 871
- D. Sulianik nr. 869-imik, 870-imik aamma 871-imik ataatsimiititaliap suliarinninnera, taakkununga ilanngullugit;
 - Ataatsimiititaliap Naalakkersuisut apeqqutai Naalakkersuisullu akissutaat,
 - Inuussutissarsiortnermut, Nukissiuuteqarnermut, Ilisimatusarnermut Suliffeqarnermullu Naalakkersuisumik siunersiuinissamat ataatsimiititaliap aggeqqusissutaa Naalakkersuisullu akissutaa.
 - Aningaasaqarnermut Aatsitassanullu Naalakkersuisumik siunersiuinissamat ataatsimiititaliap aggeqqusissutaa Naalakkersuisullu akissutaa.
- E. Una pillugu isummernissamat tunngavissiaq - **Peqqinnissaqarnermi immikkut ittumik iliuseqarnek** - Suliaq nr. 872 – uku ilanngullugit:
 - Ataatsimiititaliap apeqqutai Naalakkersuisullu akissutaa.
- F. Una pillugu isummernissamat tunngavissiaq – **Mittarfeqarfiit Nunap Karsiani sippuisinnaatitaanera ilanngussartalik.** Suliaq nr. 873 – uku ilanngullugit: Ataatsimiititaliap apeqqutai Naalakkersuisullu akissutaa.
- G. Una pillugu isummernissamat tunngavissiaq – **Uummannami umiarsualiveqarnek ilanngussartalik.** Suliaq nr. 879
- H. Una pillugu isummernissamat tunngavissiaq – **Sanaartugassanut Iluarsagassanullu Aningaasaateqarfimmit utertitat.** Suliaq nr. 880.
 - Suliassaq taanna marlungornermi ulloq 19. maj suliarineqassaaq.
- I. Una pillugu isummernissamat tunngavissiaq – **Sanaartugassanut Iluarsagassanullu Aningaasaateqarfimmiit suliassanut assigiinngitsunut utertillugit, atugassanngortitsinissaaq.** Suliaq nr. 881.
 - Suliassaq taanna marlungornermi ulloq 19. maj suliarineqassaaq.

Suliat ilisimatitsissutit:

- J. Una pillugu isummernissamat tunngavissiaq – **COVID-19-imut atatillugu suliniuteqarnermi suliniutit killiffii.** Suliaq ilisimatitsissut nr. 415
- K. Una pillugu isummernissamat tunngavissiaq – **Coronap ajornartorsiortitsinerata Kalaallit Nunaata aningaasaqarneranut sunniutai pillugit Aningaasaqarnermut Siunnersuisooqatigiit naliliutigigallagaat ilanngussartalik.** Suliaq ilisimatitsissut nr. 416
- L. Una pillugu isummernissamat tunngavissiaq – **Ilisimatitsissut inuussutissarsiortunut ikiorsiissutit killiffiat pillugu ilisimatitsissut ilanngussartalik.** Suliaq ilisimatitsissut nr. 417



Uunga: Inatsisartuts Aningaasaqarnermut Akileraartarnermullu Ataatsimiititaliaat
Att.: Sakarias Amondson

Ilanngussaq
Bilag

A

Naalakkersuisut Siulittaasuat, Kim Kielsen ullumi (18. marts 2020) ima
aalajangiivoq:

Aningaasarsiaqartunut ikiorsiissutitut katersat
(Inuussutissarsiornermut, Nukissiuuteqarnermut, Iisimatusarnermut
Suliffeqarnermullu Naalakkersuisoq)

18-03-2020

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Naalakkersuisut aalajangerput:

- Inassuteqaatip matuma Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu, aamma nukiginnartumik suliarineqarnissaa pillugu qinnuteqaammik ilaqartillugu ingerlateqqinneqarnissaa Naalakkersuisut akuersissutigissagaat:
- "Naalakkersuisut inassutigaat,
- 2020-mut tapiliutitut aningaasaliissutinut inatsisissatut siunnersuummi konto pingaarnaq nutaaq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersat **ilanngunneqassasoq**, tassani ilanngussatut ilanngunneqartutut konto pingaarnermut missingersuutitut ilanngussat najoqqutaralugit aningaasaliissutit 107 mio. kr.-ussallutik, aamma
- 2020-mut tapiliutitut aningaasaliissutinut inatsisissatut siunnersuummi ilanngussatut ilanngunneqartoq najoqqutaralugu konto pingaarnaq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersanut oqaasertaliussaq nr. 1 **ilanngunneqassasoq.**"

Taamaalilluni inassut Inatsisartut Aningaasaqarnermut Akileraartarnermullu Ataatsimiititaliaannut nassiuunneqarpoq. Naalakkersuisut isummernissaannut tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Vittus Qujaukitsaq

**Inuussutissarsiornermut, Nukissiuuteqarnermut, Ilisimatusarnermut
Suliffeqarnermullu Naalackersuisoq**

17-03-2020

Suliap normua: 2020 - 5485

Oqaluuserisap nr.: ____

**Naalackersuisut isummernissaannut tunngavissiaq
NUKIGINNARTOQ**

Aningaasarsiaqartunut ikiorsiissutitut katersat

Inassuteqaat

Naalackersuisunut inassutigineqarpoq,

- COVID-19-imik tunngaveqartumik Kalaallit Nunaanni aningaasarsialinnut, suliffissaaleqinermik eqqorneqartunut, imaluunniit angerlartitaasunut ikiorsiissutitut katersanik pilersitsisoqassasoq akuersissutigissagaat.
- Missingersuutininut ilanngussamut oqaasertaliussanullu allaqqaakkami ilanngunneqartumi aqqissuusaqarfimmi allannguuteqarnissamut Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalackersuisoq pisussaaffilerneqassasoq.
- Inassuteqaatip matuma Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu, aamma nukiginnartumik suliarineqarnissaa pillugu qinnuteqaammik ilaqartillugu ingerlateqqinneqarnissaa Naalackersuisut akuersissutigissagaat:
- ”Naalackersuisut **inassutigaat**,
- 2020-mut tapiliutitut aningaasaliissutinut inatsisissatut siunnersuummi konto pingaarneq nutaaq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersat **ilanngunneqassasoq**, tassani ilanngussatut ilanngunneqartutut konto pingaarnermut missingersuutininut ilanngussat najoqqutaralugit aningaasaliissutit 107 mio. kr.-ussallutik, aamma
- 2020-mut tapiliutitut aningaasaliissutinut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersanut oqaasertaliussaq nr. 1 **ilanngunneqassasoq.**”

Aallaqqaasiut

COVID-19 maanna atugaasoq Kalaallit Nunaanni annertuunik aningaasaqarnikkut inunnilu kinguneqarfiumissaa naatsorsuutigineqarpoq. Tamanna nunarsuup sinnerani takuneqarpoq, Kalaallit Nunaannilu allaanerunissaanut isumaqarnissamut tunngavissaqanngilaq, COVID-19-ilu ingammik takornariartitsinermik inuussutissarsiorfimmumut sakkortuunik sunniuteqarfioreersimavoq, tassanngaanniit aasamut inniminniissutigisat takkussuutinngikkunik taamaatiinnarneqassanerat nalunaarutigineqarmat.

Danmarkimi illua'tungeriit pingasut isumaqatigiissutaat

COVID-19-ip tuniluutilernera Danmarkimi aningaasarsiaqartut suliffeqarfiillu ajornakusoortumik atugaqartilerpai. Akunnittarfinni init inoqartinnagit, imaluunniit suliffissuaqarfimmi suliffeqarfiit COVID-19 pissutigalugu atortussaminnik pissarsisinnaanngikkunik suliffeqarfiit isertitanit amigaatigineqartunit tamaviaartinneqalersarput, akiligassalli suli akilerneqartussaallutik.

Danmarkimi naalagaaffik illua'tungeriit pingasut akornanni aningaasarsialinnut katersat pillugu isumaqatigiissuteqarsimavoq, taassumalu Danmarkimi suliffeqarfiit ikiortussaassavai, aningaasarsiaqartullu nalinginnarmik aningaasarsiasaminnik pissarsinissaannik qularnaassallugit. Suliffeqarfiit sulisuminni minnerpaamik 30 pct.-inik imaluunniit sulisunit 50-inik amerlanerusunik soraarsitaqarnissaminnik kalerriisussanngortut aaqqiissut aqutigalugu aningaasarsiarititanut taarsiissutinik pissarsiaqarsinnaapput.

Naalagaaffimmit aningaasarsiarititanut taarsiissutit tassaapput sulisut pineqartut taakku aningaasarsiaasa 75 pct.-ii, taamaattorli sulisut soraarsinnagit angerlartinnissaat toqqarunikkum annertunerpaamik 23.000 kr.-ussapput. Nal. akunnermusialinnut aningaasarsiarititanut taarsiissutit 90 pct.-iusinnaapput, taamaattorli piffissami tamarmiusumi atorfeqartunut ilaasunut qaammatikkaanut annertunerpaamik 26.000 kr.-usinnaallutik. Suliffeqarfik annertunerpaamik ullormit 9. marsimit ulloq 9. juuni tikillugu qaammatini pingasuni aningaasarsiarititanut taarsiissutinik pissarsisinnaavoq

Aningaasarsiaqartuni ataasiakkaat, suliffeqarfiup aningaasarsiarititanut taarsiissutissarsiugai piffissamut taarsigassarsiaqarfiusussamut atasumik ulluni tallimani sulinngiffeqassaaq aamma/imaluunniit qaangiuttoorsimanernut taarsiullugit sulinngiffeqassaaq. Ullunut tallimanut assingusunik sulisoq sulinngiffeqanngippat, qaangiuttoorsimanernut taarsiullugu sulinngiffeqanngippat il.il. aningaasarsiaqarani sulinngikkallartoqassaaq.

Nunatsinni suliffeqarfimmi maannakkut atugassarisat

Nunatsinni suliffeqarfik 2018-imi agguaqatigiissitatut pingaarnertut suliffissaqarfiusunut Kalaallit Nunaanni Naatsorsueqqissaartarfiata naatsorsuineranik tunngaveqartumik annertuutut iluseqartillugu eqimattanut pingaanernut pingasunut immikkoortinneqarsinnaavoq.

Takussutissiaq 1 – 2018-imi agguaqatigiissillugit pingaarnertut suliffissaqarfiusut

Pisortaqarfinni atorfeqartut	11.058
Namminersorlutik Oqartussat pigisaattut suliffinni atorfeqartut	6.032
Namminersortunit pigineqartunit suliffeqarfinni atorfeqartut	9.759
Suliffissaqartut katillugit	26.849

2018-imi Kalaallit Nunaanni agguaqatigiissitatut inuit suliffeqartut 26.849-nit taakkunanit pisortaqaqfinni atorfeqartut 11.058-iupput. Taakku saniatigut namminersorlutik oqartussat pigisaattut suliffeqarfinni inuit 6.032-t suliffeqarput. Namminersorlutik oqartussat pigisaattut ingerlatseqatigiiffiit pingaarnertut kiffartuussinissamik isumaqatigiissutit imaluunniit akuersissutit aqcutigalugit ingerlataapput, taakkulu annertuumik soraarartitsisoqarani COVID-19-imi nalaataqarnerup nalaani sulianninnik suli ingerlatsisinnanissaat naatsorsuutigineqarpoq. Pisortani aqutsisoqarfimmut aamma pisortat suliffeqarfiinut kiffartuussinissamik isumaqatigiissutit najoqqutaralugu suliffimmik ingerlatsisunut tamanna ingammik najoqqutarineqartussaassaaq. Aningaasaqarnikkut ajornartoorfiup nalaani maannakkut suliffissaqartitsinermi inissisimaffimmik pisortat suliffeqarfiutaasa taakku akornanni ataasiakkaat attassiniarnermikkut ajornartorsiuteqalernissaat itigartitsissutigineqarsinnaanngilaq. Pisuni ataasiakkaani piviusuni taakkunani ingerlatseqatigiiffiit taakku siulersuisuisa aamma Namminersorlutik Oqartussat piginnittutut atuuffeqarfigisaani tulluarnepaatut iluarsiissuteqarnissamut iluserisat pillugit oqaloqatiginninnerup ingerlanneqarnissaa inassutigineqarpoq.

Qulaani naatsorsueqqissaarineq najoqqutaralugu 2018-imi suliffeqarfinni namminersortuni inuit 9.759-it suliffissaqartuupput. Naatsorsuineri piffissamut tunngatillugu nikingassutaasoq pinngikkaluarlugu naatsorsueqqinnerni kisitsit taanna aallaavigineqassaaq, annertussussusaa eqqortumik takussutissiisutut isigineqarmat. Namminersortunit atorfeqartut eqimattanut aningaasarsiarititanit taarsiissutinut iluserisaq ujarorneqassaaq, taamaalillutik suliffeqarfiit taakku attanneqarlutillu aningaasarsiaqartut aningaasarsiasaminnik pissarsiuarsinnaassammata, allaat pisoqarfimmi aningaasaqarnermi naleqartuusut allanngoriartorfii COVID-19-imik nalaataqarnerup nassatarisaanik ajorneruulissagaluartut.

Aningaasarsiarititani taarsiinissamut periarfissat

Ataani COVID-19-imik nalaataqarfiusumi namminersortutut suliffeqarfiit atorfeqartullu qanoq tapersersugaasinnaanannut iluserisaasinnaasut pingasut saqqummiunneqarput.

- Ilusiliaq 1 – Suliffinnut namminersortunut aningaasarsiarititani taarsiinermut Danmarkimi ikiorsiissutitut katersani tunngavigisat malittarai
- Ilusiliaq 2 – COVID-19-imik nalaataqarnerup nassatarisaanik namminersortunit atorfeqartititut aningaasarsiaqartut suliffissaaleqilersut tamarmik suliffissaarunnermut ikiorsiissutinik pissarsissapput (ilanngullugit aalisartut piniartullu, inuup ataatsip suliffeqarfiutai assigisaallu)
- Ilusiliaq 3 – COVID-19-imik nalaataqarnerup nassatarisaanik aningaasarsiaqartut suliffissaaleqilersut tamarmik ullumikkut suliffissaarunnermut ikiorssiissutinik imaluunniit pisortat ikiorsiissutaannik (maannakkut malittarisassiat) pissarsissapput.

Ilusiliaq 1

Ilusiliap taassuma suliffeqarfinnut sulisuminik soraarsitaqarani angerlartitsisunut aningaasarsiarititanut taarsiissutinik neqerooruteqarnermi Danmarkimi ikiorsiissutitut katersatulli periusaasup assinga tunngaviatigut malittaraa. Sulisorisat soraarsitaanissaata pinngitsoornissaa Kalaallit Nunaata tamatigoortumik soqutigisaraa. Kalaallit Nunaanni suliffeqarfiit ikorfartorniarlugit, aammalu aningaasarsiaqartut nalinginnarmik aningaasarsiaqarnissaat qularnaarniarlugu makku siunnersuutigineqarput:

- Suliffeqarfiit sulisuusuni minnerpaamik 30 pct.-inik, imaluunniit sulisuni 25-t sinnerlugit soraarsinnissaannik kalerriussannortut aaqiissutikkut aningaasarsiarititanut taarsiissutinik pissarsisinnaapput.
- Nunatta Karsianit aningaasarsiarititanut taarsiissutit sulisuusut pineqartut taakku aningaasarsiarisaannit 75 pct.-iussapput, taamaattorli suliffeqarfiup soraarsitaqarani sulisunik angerlartitsinissaq toqqassappagu annertunerpaamik 20.190 kr.-ussallutik.
- Suliffeqarfik annertunerpaamik ullormit 20. marsimit ulloq 20. juuni tikillugu qaammatini pingasuni aningaasarsiarititanut taarsiissutinik pissarsisinnaavoq. Sulisitsisup sulisuusoq suliaqarteqqilissappagu aningaasarsiarititanut taarsiineq unisinnegassaaq.

Aningaasarsiaqartuni ataasiakkaat, suliffeqarfiup aningaasarsiarititanut taarsiissutissarsiugai ulluni tallimani sulinngiffeqarneq aamma/imaluunniit qaangiuttoorsimanernut taarsiullugit sulinngiffeqarneq aallartissutigissavaat. Qaammammi/piffissami ullunik 30-nik sivilissusilinnut nutaanut ataasiakkaanut tamanut taarsiissuteqarfittut piffissaq aallartinneqassaaq ulluni tallimani sulinngiffeqarnikkut imaluunniit qaangiuttoorsimanernut taarsiullugu sulinngiffeqarnikkut. Ullunut tallimanut assingusunik sulisoq sulinngiffeqanngippat, qaangiuttoorsimanernut taarsiullugu sulinngiffeqanngippat il.il. aningaasarsiaqarani sulinngikkallartoqassaaq.

Ilusiliaq 1 ataani aningaasaqarnikkut aningaasartuuteqarfiussaaq, apeqqutaallutik COVID-19-imik nalaataqarnermit namminersortuni sulisuusut sunniuteqartussatut procentitut ilaasunit, taamaattumillu aningaasarsiarititani taarsiissuteqarfigineqartumik angerlartinneqartariaqartunit.

Ilusiliaq 1

Pct. Hjemsendte	Beløb per måned	Beløb i hele perioden
10%	17.834.485,63 kr.	53.503.457 kr.
20%	35.668.971,25 kr.	107.006.914 kr.
30%	53.503.456,88 kr.	160.510.371 kr.
40%	71.337.942,50 kr.	214.013.828 kr.
50%	89.172.428,13 kr.	267.517.284 kr.
60%	107.006.913,75 kr.	321.020.741 kr.
70%	124.841.399,38 kr.	374.524.198 kr.
80%	142.675.885,00 kr.	428.027.655 kr.
90%	160.510.370,63 kr.	481.531.112 kr.
100%	178.344.856,25 kr.	535.034.569 kr.

Ilusiliaq 2

Ilusiliaq 2-mut COVID-19 pissutigalugu namminersortuni suliffeqartuusut soraarsitaanissaminnik pinngitsuuisinnaannginnerat naatsorsuutigineqarpoq. Taamaattumik suliffeqanngikkallarnermi ikiorsiissutinut akigititanik namminersortuni suliffeqartuusunut soraarsinneqarsimasunut aningaasaqarnermi tapersiissuteqarnissap attannissaa iluserisaq aqqutigalugu anguniarneqarpoq. Taamaattumik ilutsip taassuma ataani aningaasarsiaqartoq sulisitsisumik ilanngussaqarani toqqaannartumik tapersersorneqassaaq. Ikiorsiissutit ullumikkut suliffissaaleqinermi ikiorsiissutisinissamut pisinnaaffeqartunut periusaasoq atuuttoq najoqqutaralugu naatsorsorneqarumaarput.

Soraarsitaanissamik pinngitsuuisinnaangitsunut namminersortunit sulisuusut procenterisaat apeqqutaatillugu ilusiliaq 2 ataani aningaasaqarnikkut kinguneqassaaq, apeqqutaallutik namminersortunit sulisuusut soraarsitaasut procenterisaat.

Ilusiliaq 2

Pct. Opsagte	Beløb per måned	Beløb i hele perioden
10%	14.513.229,57 kr.	43.539.689 kr.
20%	29.026.459,14 kr.	87.079.377 kr.
30%	43.539.688,72 kr.	130.619.066 kr.
40%	58.052.918,29 kr.	174.158.755 kr.
50%	72.566.147,86 kr.	217.698.444 kr.
60%	87.079.377,43 kr.	261.238.132 kr.
70%	101.592.607,01 kr.	304.777.821 kr.
80%	116.105.836,58 kr.	348.317.510 kr.
90%	130.619.066,15 kr.	391.857.198 kr.
100%	145.132.295,72 kr.	435.396.887 kr.

Ilusiliaq 3

Ilusiliaq 3-mut ilusiliaq 2-tulli ittumik COVID-19-imik pissuteqartumik namminersortuni sulisut soraarsitaanissamik pinngitsuuisinnaanginnerat naatsorsuutigineqarpoq. Suliffissaaleqisunik tapersersuinermit maannakkut malittarisassiaasut attannissaat ilusilisap nassataraa. Sulisuusoq malittarisassiat atuuttut malillugit suliffissaarunnermi ikiorsiissutisinnissamut imaluunniit pisortanit ikiorserneqarnissamut pisinnaatitaaffeqarneranik tamanna isumaqarpoq.

Suliffeqangikkallarnermi ikiorsiissutisinermit piumasaqaataavoq pineqartoq sapaatip akunneri 13-it kingulliit iluini minnerpaamik nal. akunnerini 182-ini sulisimassasoq, 18-ileereersimassasoq imaluunniit pilersuisuussasoq. Atugarisassat taakku ilusiliaq 3-mi piviusunnortissimaneqangippata namminersortuni sulisuusut pisortanit ikiorsiissutit qinnutiginissaannut periarfissaqassapput. Namminersortuni sulisuni 65 pct.-it suliffissaaleqinermit ikiorsiissutitut piumasaqaatinik naapertuutsisinnissaat ilusiliaq 3-mi missiliuutigineqarpoq.

Soraarsitaanissamik pinngitsuuisinnaangitsunut namminersortunit sulisuusut procenterisaat apeqqutaatillugu ilusiliaq 3 ataani aningaasaqarnikkut kinguneqassaaq.

Ilusiliaq 3

Pct. Opsagte	Beløb per måned	Beløb i hele perioden
10%	12.711.133,48 kr.	38.133.400 kr.
20%	25.422.266,96 kr.	76.266.801 kr.
30%	38.133.400,45 kr.	114.400.201 kr.
40%	50.844.533,93 kr.	152.533.602 kr.
50%	63.555.667,41 kr.	190.667.002 kr.
60%	76.266.800,89 kr.	228.800.403 kr.
70%	88.977.934,38 kr.	266.933.803 kr.
80%	101.689.067,86 kr.	305.067.204 kr.
90%	114.400.201,34 kr.	343.200.604 kr.
100%	127.111.334,82 kr.	381.334.004 kr.

Inassuteqaat

Maannakkut namminersortuni sulisuusut 20 pct.-ii tikillugit suliffissaaleqisut amerleriarnerni tamakkiisumik ilassutitut aningaasartuutaasoq qaammatit pingasut ingerlaneranni malunnartumik assigiinngissuteqassanngilaq, tassalu ilusiliani taakkunani pingasuni sorleq toqqarneqassagaluarpat.

Iluarsiissutissaq maannakkut malittarisassianik attassisoq akikinnerpaaq qaammatit pingasut ingerlaneranni soraarsitsinerit 20 procentiuneranni ilassutitut aningaasartuutit 76 mio. kr.-t missaannik akiliuteqartitsissaaq. Akisunerpaatut iluarsiissut, soraarsitsinerit 20 procentiuneranni aningaasarsianik taarsiissutinik ikiorsiinissamik nassataqartoq qaammatit pingasut ingerlaneranni ilassutitut aningaasartuutinik 107 mio. kr.-nik akiliuteqartitsissasutut missiliuutigineqarpoq. Assigiinngissut taakkunani tassaavoq 31 mio. kr.

Ilusiliaq 1 inassutigineqarpoq, tassuunakkut namminersortuni sulisut ikinnerit soraarsitaanissaat nassatarineqassamat.

Soraarsitsinermi 20 pct.-inik aallaaveqarneq ingasanaarivallaanngitsutut tunngaviorpasippoq. 2019-imut suliffissarsiortutut nalunaarsukkat agguaqatigiisillugit amerlassusaat qaammatikkaani inuit 1.924-upput. Namminersortuni immikkoortoqarfimmi maannakkut suliffissaqartuusunit 20 pct.-it suliffissaaleqilissappata taakku inunnik 1.952-inik ilasiffiussapput. Taamaalillutik 2018-imi inissimaffigisat assingisaanik sulisartuusut 27.231-t aallaavigalugit naatsorsugaqarnermi suliffissaaleqisoqarneq 13,5 pct.-inut annertuseriassaaq. Suliffissaaleqineq taama ittoq ukiorpassuarni annertunerpaassaaq. Taamaalilluni ukiuni qulini kingullerni inissisimaffinni annertunerpaatut 2014-imi kvartalimi siullermi suliffissaaleqineq 13,3 pct.-iniissimavoq.

Katillugit qaammatit pingasut tikillugit qaammatikkaartumik sivitsorneqarsinnaanissaa siunertaralugu iluserisap qaammatikkaartumik najoqqutassialittut isigalugu ingerlasarnissaa inassutigineqarpoq. Tamatumuuna Nunatta Karsianut aningaasaqarnikkut artukkiivallaalissappat iluserisap qaammatip ataatsip kingornatigut unitsinneqarsinnaavoq.

Sulinngiffeqarnermut tunngatillugu malittarisassiat

Feriarneq pillugu Inatsisartut inatsisaat nr. 10, 12. november 2001-imeersumi § 9-p sulinngiffeqarnermut kalerrisaarinissamut malittarisassiat aalajangersarpai.

Feriarneq pillugu Inatsisartut inatsisaat nr. 10, 12. november 2001-imeersoq

§ 9. Sulisitsisup sapinngisamik piaarnerpaamik, aamma feriarnerup aallartinnissaa kingusinnerpaamik qaammatinik pingasunik sioqqullugu, akissaateqarluni sulisuusoq feriarnerup ataannartortaata inissisimanissaanik nalunaarfigissavaa. Nalunaaquttap akunnerinut feriarfiusussanut sinneruttunut tunngatillugu feriarnerup aallartinnissaa kingusinnerpaamik qaammammik ataatsimik sioqqullugu nalunaarutigineqassaaq.
Imm. 2. Immikkoortoq 1-imi taaneqartunik piffissaliinerit aatsaat saneqqunneqarsinnaapput, suliffeqarfiup ingerlanneqarneranut pinngitsoornagit sianigisariaqartut tamaaliornissaaq pisariaqalersippassuk. Taamatut atugassaqartitsilluni sulisitsisup feriarnissamik pilersaarut aalajangeriigaq allanngortissinnaavaa.
Imm. 3. Akissaateqarluni sulisuusoq imm. 2 malillugu allanngortitsinerup kingunerisaanik uppenarsarneqarsinnaasumik aningaasanik annaasaqarnerminut taartisisussaataivoq.

Qulaani pineqartutut aningaasarsiaqartut ataasiakkaat, suliffeqarfimmit aningaasarsiarititanut taarsiissuteqarfiginiagaanut qulaani pineqartutut piumasaaqatinik taakkuninnga ulluni tallimani il.il. sulinngiffeqarnissamik aamma/imaluunniit qaangiuttoornermut taarsiullugu sulinngiffeqarnissamik aallartitaqarnissamut inatsisip periarfissiinera nalilersuutigineqarpoq.

Iluserisanut taakkununnga pingasunut toqqammavigisassatut tunngavigisat

Iluserisaq 1 aamma 2 oqaasertaliussanik Inatsisartut Aningaasaqarnermut Akileraartarnermullu Ataatsimiititaliaata akuersissuteqarneratigut ingerlanneqarsinnaasut nalilersuutaavoq. Ilusiliaq 3-p malittarisassiat atuuttut malittarai, taamaattumillu immikkut ittumik aningaasanut inatsisaasumik oqaluuserisaqarnissamik pisariaqartitsinngilaq.

Aningaasatigut kingunerisinnaasai

Qulaani iluserisanut taakkununnga pingasunut naatsorsuinerni takuneqarsinnaasut pingitsoornatik pisortat karsiutaat ilassutaasunik aningaasartuutunik artukkerneqassapput, tassalu COVID-19-imik nalaataqarnerup nassatarisaanik suliffissaaleqineq annertuseriassappat. Ileqquusunit isigalugu kommunit maannakkut malittarisassaasut atorlugit pisortat ikiorsiissutaannut aamma suliffissaaleqinerme ikiorsiissutinut immikkut aningaasartuuteqartariaqassapput. Danmarkimi suliffinnut namminersortunut aningaasarsiarititanik taarsiinertalimmik ikiorsiissutitut katersatut ittumik iluserisaq toqqarneqassappat ileqquusunit isigalugu aningaasartuut kommunit karsiinit nunatta karsianut nuunneqassaaq, soorlulusooq aningaasartuutini tamarmiusuni taakkunani annertuseriartoqassalluni.

Ilusiliaq sorleq toqqarneqaraluarpat aningaasartuutit missingersuusiaqarfiunngitsut pineqassapput, qanittormi tikillugu aningaasarsiornikkut ingerlalluarnerup nanginnissaa naatsorsuutigineqarmat. Pisortat ikiorsiissutaannut aamma suliffissaaleqinerme ikiorsiissutinut maannakkut malittarisasiisat malillugit suliffissaaleqinerme qaffariarneq suliarineqassappat tamatumunnga kommunip aningaasartuutai malunnartumik amerleriassapput. Taamaattumik Namminersorlutik Oqartussanit tapiissutit amerlisaqarluni kommuninut taarsiinissaq piukkunnarpasippoq.

Ikiorsiissutitut katersat tassanngalu aqutaqarnerup matussusernissaannut konto pingarneq 64.40.08 COVID-19 tunngavigalugu suliffeqarfimmut ikiorsiissutitut katersat-nut aningaasaliissutit 107 mio. kr.-t immikkoortinneqassasut inassutigineqarpoq. Qaammatit pingasut ingerlaneranni ilusiliaq 1-ip ataani – aammalu maannakkut namminersortuni sulisuusut annertunerpaamik 20 pct.-iisa suliffissaaleqinissaat pillugu tunngavigisaaq malillugu – 107 mio. kr.-nik aningaasaliineq annertusisutut aningaasartuutit inissisimaffigisaannik matussusiissaaq. Pisariaqartinneqalissappat aningaasaliinerme naleqqussaanerit pisariaqartut tamakku iluarsiniarnissaat siunertaralugu aningaasaliissutini tigusaqartarnerit qanimut malittarineqassasut inassutigineqarpoq.

Suliffeqarfiit nalinginnarmik immersugassat, paasisutissanik pisariaqartitanik tamanik imaqartut najoqqutaralugit taarsiinissamut qinnuteqaatinik nassiussaqaartarnissaat siunnersuutigineqarpoq. Ilanngullugu suliffeqarfinnut aningaasaqarnikkut attaveqartooreersup Akileraartarnermut Aqutsisoqarfik suliassamik aqutsinissamik isumaginnissasoq inassutigineqarpoq.

Ikiorsiissutit ataatsimoortut piffissami killilimmi atuutissapput, 30. juni 2020 ilanngullugu, aningaasaliissutinilu atorneqanngitsoqassagaluarpat taakkua Nunatta Karsianut utertinneqassallutik.

Piffissap suliniuteqarfiusup naareerneratigut sulii pisariaqartitsisoqassagaluarpat, atugassiisoqartariaqassaaq nutaamik Aningaasaqarnermut Akileraartarnermullu Ataatsimiititaliamut saqqummiussereernikkut.

Uannga ikiorsiissuteqartoqaraluarpalluunniit, avaqqunneqarsinnaanngilaq, suliffissaaleqisut amerlanerulernissaat, tamatumalu kingunerisaanik aningaasartuuteqarnerulernissaq, taamaalillunilu aamma ineqarnermut tapiissuteqarneq aamma sunnerneqassalluni.

Attaveqatigiinneq

Aaqqiissut pillugu tusagassiorfinnut nalunaarut nassiunneqassaaq, kiisalu Greenland Businessip nittartagaani, kiisalu Sullissivik.gl-imi ilassutitut paasissutissat inissinneqassapput.

Tusarniaaneq

Saqqummiussineq sioqqullugu aaqqiissut Sulisitsisullu, Nusuka, KNAPK kiisalu SIK-lu oqaluuserineqarsimavoq.

Tunngavissiissut Aningaasaqarnermut Naalakkersuisoqarfimmut, Naalakkersuisut Siulittaasuata Naalakkersuisoqarfianut, aamma Isumaginninnermut Inatsisinillu Atuutsitsinnermut Naalakkersuisoqarfimmut tusarniaassutigalugu nassiunneqarsimavoq.

Tusarniaanermut akissutit attuumassutilittut annertussuseqartillugit ilanngussorneqarput.

Jess Svane

/

Jørn Skov Nielsen

Ilanngussat:

- Ikiorsiissutitut katersanut tunngasutut oqaasertaliussanut missingersuutinullu ilanngussanut allaqqaakkat.

Ilanngussaq

Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoq – Suliaqarfigisaq 62-64

Konto pingaarnermut 64.40.08 Coronavirusi (COVID-19) tunngavigalugu suliffeqarfimmu ikiorsiissutitut katersat

2020-mut tapiliutitut aningaasaliissutissanut inatsisissatut siunnersuummi konto pingaarnermut matumunnga oqaasertaliussat makku ilanngunniarneqarput:

”Nr. 1.

Coronavirusimik tunngaveqartumik immikkut ittumik iliuuserisatut, aningaasarsiasaraluanut taarsiissutissanut aningaasartuutit, akiliuteqarnissaannut Naalakkersuisut pisinnaataapput.”

Suliffeqarfiit sulisorisaminik minnerpaamik 30 pct.-inik imaluunniit sulisunik 25-inik amerlanerusunik soraarsitsinissamik aarlerinartorsiortut, aaqqissuussami uannga akissarsiasaraluanut taarsiissutinik pisinnaapput, soraarsitsinissaq pinngitsoortissinnaagunikku imaluunniit sulisuminut akissarsiaqartitsilluni angerlartitsisinnaagunik.

Naalakkersuisut piginnaatinneqassapput, suliffeqarnermut illua tungerisat isumasioqatigereerneratigut qinnuteqarnermi piumasarineqartussanik, tunniussaqaqarnissamut, kiisalu suliffeqarnermut ikiorsiissutitut katersanik ingerlatsinernut aalajangersaasinnaallutik, taamatuttaaq inuussutissarsiornermut susassaqaarfiit sorliit aaqqissuussamit ilaani pineqaqarnersut ilanngullugit.

Naalakkersuisut piginnaatinneqarput, avataaniit suleqatigisat allaffissomikkut isumaqatigineqarsinnaangorlugit”.

Konto pingaarneq 64.40.08 Coronavirusi (COVID-19) tunngavigalugu suliffeqarfimmu ikiorsiissutitut katersanut oqaaseqaatit

2020-mut tapiliutitut aningaasaliissutissanut inatsisissatut siunnersuummi konto pingaarnermut matumunnga oqaasertaliussanut oqaaseqaatit makku ilanngunniarneqarput:

”Nr. 1.

COVID-19-imik tunngaveqartumik suliffinni mikisuni akunnattumillu angissusilinni sulisuminnik attassinissaannut immikkut ittumik ikiorsiissutitut katersanit suliffeqarfiit aningaasarsianut taarsiissutissanut aningaasaliissutinut Naalakkersuisut akiliuteqarnissaannut oqaasertaliussaq toqqammavissiivoq.

Soraarsitsineq pinnagu taamaallaalli sulisutik aningaasarsiaqartillugit angerlartissappatigit suliffeqarfiit sulisuminnit minnerpaamik 30 pct.-inik imaluunniit sulisut 25-t sinnerlugit

soraarsitsinissamik kalerriuteqarlissamaartut aaqqiissutikkut aningaasarsiarititanut taarsiissutissanik pissarsisinnaapput.

Sulisut pineqartut taakku aningaasarsiaannit Namminersorlutik Oqartussanit aningaasarsiarititanut taarsiissutit 75 pct.-iniipput, taamaattoq annerpaamik kr. 20.190, soraarsinnissaat taarsiullugu sulisut pineqartut angerlartinnissaat toqqassappatigit.

Suliffeqarfik annertunerpaamik qaammatini pingasuni aningaasarsiarititanut taarsiissutinik pissarsisinnaavoq.

Aningaasarsiaqartuni ataasiakkaat, suliffeqarfiup aningaasarsiarititanut taarsiissutissarsiuagai ulluni tallimani sulinngiffeqarneq aamma/imaluunniit qaangiuttoorsimanernut taarsiullugit sulinngiffeqarneq aallartissutigissavaat. Qaammammi/piffissami ullunik 30-nik sivisussusilinnut nutaanut ataasiakkaanut tamanut taarsiissuteqarfittut piffissaq aallartinneqassaaq ulluni tallimani sulinngiffeqarnikkut imaluunniit qaangiuttoorsimanernut taarsiullugu sulinngiffeqarnikkut. Ullunut tallimanut assingusunik sulisoq sulinngiffeqanngippat, qaangiuttoorsimanernut taarsiullugu sulinngiffeqanngippat il.il. aningaasarsiaqarani sulinngikkallartoqassaaq.

Aaqqiissutip atuutsilernissaanut erseqqinnerusumik allaffissornikkut malittarisassianik aalajangersaanissamut Naalakkersuisut pisussaaffilerneqassapput.

Oqaasertaliussat nutaajupput.

Aningaasaqarnermut Akileraartarnermullu Ataatsimiititaliamit ull. xx-yy-2020-mi akuersissutigineqarpoq, suliap normua 20-xxx.

87.73.12 Umiarsualivinnut talittarfinnullu aningaasaleeqinnerit (Sanaartornermut aningaasaliissutit)

Missingersuutit immikkoortiterneri

	1.000 kr.
Ilanngaaseereerluni aningaasartuutit	0

Ilassutitut aningaasaliissutit 2020

Konto pingaarnermi matumani suliaq nr. 996.24.128 Sanaartugassanut nutaanit, suliaq nr. 150.24.131 Uummannami umiarsualiveqarnermut 33,1 mio. koruunit kiisalu suliaq nr. 996.24.122 Umiarsualivinnut pilersaarutinit, suliaq nr. 996.24.136 Ilaasunut talittarfinnut/niusarfinnut 1,3 mio. koruunit nuunneqassasut qinnutigineqarpoq.

Suliaq nr. 150.24.131 Uummannami umiarsualiveqarnermi umiatsiaaqqat malinnut illersorniarlugit Kangerloqqissumi oqquiffissatut nunniugassaq, umiarsuaaqqat talittarfiata piusup allilerneqarnissaa, Qeqertannguami inissiivissamat, sanaartortoqarnissaanullu qaqqajunnamik qaartitsinisaq kiisalu Palammarsuarnut usingiaasarfitoqqap nutarterneqarnissaa suliariumannittussarsiuunneqareerput.

Tamatuma kingorna konto pingaarnermi 2020-mi aningaasaliissutissat 35.150.000 koruuninngorput.

Suliassat immikkoortiterneri

Sumiiffik/ Suliaq nr.	Suliaq taaguutaa	2020-imi katillugit	AI 2020	IA 2020	Sulianut aningaasaliissutit 2020-imi allannguut	
					+ukiut tullii	Katillugit
---- 1.000 kr. ----						
<u>Uummannaq</u>	Uummannami					
150.24.131	umiarsualiveqarneq	33.100	0	33.100	33.100	34.100
<u>Sumiiffiit</u>	Sanaartugassat nutaat					
<u>assigiinngitsut</u>						
996.24.128		-22.100	11.000	-33.100	-33.100	41.522
<u>Sumiiffiit</u>	Umiarsualivinnut pilersaarutit					
<u>assigiinngitsut</u>						
996.24.122		1.200	2.500	-1.300	-1.300	11.200
<u>Sumiiffiit</u>	Ilaasunut					
<u>assigiinngitsut</u>	talittarfiliat/niusarfiliat					
996.24.136		4.150	2.850	1.300	1.300	4.150
Aallarteriikkat katillugit				0		

Suliassat allaaserineri

Sumiiffik

Suliass. nr. Sumiiffik Nunap assingani Suliassap taaguutaa

SULIAT AALLARTINNEQAREERSUT:

Uummannaq

150.24.131

Uummannami umiarsualiveqarneq

Uummannap umiarsualiviani umiatsiaaqqat malinnut illersorniarlugit Kangerloqqissumi oqquiffissatut nunniugassaq, umiarsuaaqqat talittarfiata piusup allilerneqarnissaa, Qeqertannguami inissiivissamut, sanaartortoqarnissaanullu qaqqajunnamik qaartitsinisaq kiisalu Palammarsuarnut usingiaasarfitoqqap nutarterneqarnissaa suliariumannittussarsiuunneqareerput.

Suliaq nr. 996.24.128 Sanaartugassanit nutaanit nuussinikkut suliniummut aningaasaliissutit 33,1 mio. koruuninik qaffanneqassasut qinnutigineqarpoq.

Suliap aallartiffissaa: 2017

Atulerfissaa: 2020

Sumiiffiit assigiinngitsut

996.24.128

Sanaartugassat nutaat

Suliaq nr. 150.24.131 Uummannami umiarsualiveqarnermut nuussinikkut, suliaq 33,1 mio. koruuninik appartinneqassasq qinnutigineqarpoq.

Suliap aallartiffissaa: 2017

Atulerfissaa: 2023

Sumiiffiit assigiinngitsut

996.24.122

Umiarsualivinnut pilersaarutit

Suliaq nr. 996.24.136 Ilaasunut talittarfinnut/niusarfinnut nuussinikkut, suliaq 1,3 mio. koruuninik appartinneqassasq qinnutigineqarpoq.

Suliap aallartiffissaa: 2018

Atulerfissaa: 2023

Sumiiffiit assigiinngitsut

996.24.136

Ilaasunut talittarfiliat/niusarfiliat

Ullutsinnut naleqquttunik talittarfinnik/niusarfinnik Kalaallit Nunaanni pisariaqartitsineq annertummat, Kalaallit Nunaanni silap pissusaanut, silamut, sikusarneranullu naleqqussarneqartuarsinnaasunik, nunatsinni betonngimit talittarfiliortoqarsinnaanissaanut/niusarfiliortoqarsinnaanissaanut ineriartortitsilluni suliniummik aallartitsinissani naalakkersuisoqarfiup kissaatigaa.

Ilulissani umiarsualiviup qinnguani innuttaasunut takornarissanullu nutaanik talittarfiliortoqarnissaa/niusarfiliortoqarnissaa pisariaqartinneqarmat, ineriartortitsinissami suliniut tassani ineriartortinneqassaaq.

Ineriartortitsinissamik suliniut naammassippat nunatsinni sumiiffinni entreprenørit misilittakkanik atuisinnaaqqullugit, suliniummi atortut tamanut saqqummiunneqassapput.

Suliassat immikkoortiterineri pillugit siuliani takussutissiami takuneqarsinnaasutut, sanaartornissami suliaq manna 2,85 mio. koruuninik aningaasartalerlugu AI2020-mut ilaatinneqassasq, AIS2020-p pingajussaaneerqarnerani akuersissutigineqarpoq. Taamaakkaluortoq AI2020-mi naqitami sanaartornissami suliaq 5,7 mio. koruuninik kukkusumik aningaasaliiffigineqartoq takuneqarsinnaavoq.

Aningaasanut inatsisissap aappassaaneerneqarnerani aningaasanut inatsisissap missingersuusiarineqarnerani systemimi suliaq 2,85 mio. koruuninik aamma kukkusumik aningaasartalerneqarneranik patsiseqarpoq, taamaalillunilu aningaasanut inatsisip ataatsimoortinneqarluni AI2020-mi naqitami sanaartornissami suliaq 5,7 mio. koruuninik aningaasartaqartutut allassimalerluni. Tamanna ilaatigut Inatsisartut akuersissutigisaattut suliamut matumunnga 2,85 mio. koruuninik aningaasaliiffineqarluni, AI2020-mi konto pingaanermi matumani 41,55 mio. koruuninik aningaasartalerlugu 2020-mut aningaasanut inatsisip aalajangersarneqarneranut sunniutissaqanngilaq.

Suliap aallartiffissaa: 2020

Atulorfissaa: 2021

Aningaasaqarnermut Ataatsimiititaliamit ulloq xx-yy-2020 akuerineqartoq., suliaq nr. 20--xxx.

**64.40.08 Coronavirusi (COVID-19) tunngavigalugu suliffeqarfimmut ikiorsiissutitut
katersat (Ingerlatsineranut aningaasaliissutit)
Missingersuutit immikkoortiterneri**

	1.000 kr.
<u>Ilanngaaseereerluni aningaasartuutit</u>	<u>107.000</u>

2020-mut tapiliutitut aningaasaliissutit

Konto pingaarnermut matumunnga oqaasertaliussanik ilanngussisoqarpoq.

Konto pingaarneq manna nutaajuvoq.

COVID-19 maanna atugaasoq Kalaallit Nunaanni annertuunik aningaasaqarnikkut inunnilu kinguneqarfiunissaa naatsorsuutigineqarpoq. Aningaasaliissutitigut makkunatigut suliffeqarfiit aningaasarsiarititanut taarsiissutissanik aaqqiissutaasumik neqeroorfigineqarnissaat siunnersuutigineqarpoq, taamaalillutik soraarsitaanatit sulisorisat angerlartiinnarneqartassallutik.

Aaqqiissummiissapput suliffeqarfiit sulisuminni minnerpaamik 30 pct.-inik imaluunniit sulisuminnik 25-t sinneqartunik soraarsitsinissamik kalerriilersussat.

Aaqqiissummi aningaasarsiarititanut taarsissutissat sulisup pineqartup aningaasarsiaanit 75 pct.-iussapput, taamaattorli soraarsinnissaanut taarsiullugu sulisuminnik angerlartitaqarnissaq toqqassagunikkut annertunerpaamik 20.190 kr.-ussapput.

Suliffeqarfik annertunerpaamik qaammatini pingasuni aningaasarsiarititanut taarsiissutinik pissarsisinnaavoq.

Aningaasarsiaqartuni ataasiakkaat, suliffeqarfiup aningaasarsiarititanut taarsiissutissarsiuagai ulluni tallimani sulinngiffeqarneq aamma/imaluunniit qaangiuttoorsimanernut taarsiullugit sulinngiffeqarneq aallartissutigissavaat. Qaammammi/piffissami ullunik 30-nik sivilissusilinnut nutaanut ataasiakkaanut tamanut taarsiissuteqarfittut piffissaq aallartinneqassaaq ulluni tallimani sulinngiffeqarnikkut imaluunniit qaangiuttoorsimanernut taarsiullugu sulinngiffeqarnikkut. Ullunut tallimanut assingusunik sulisoq sulinngiffeqanngippat, qaangiuttoorsimanernut taarsiullugu sulinngiffeqanngippat il.il. aningaasarsiaqarani sulinngikkallartoqassaaq. Aaqqiissutip atuutsilernissaanut erseqqinnerusumik allaffissornikkut malittarisassianik aalajangersaanissamut Naalakkersuisut pisussaaffilerneqassapput.

Aningaasaqarnermut Ataatsimiititaliamit ull. xx-yy-2020-mi akuersissutigineqarpoq, suliap normua 20-xxx.



Uunga: Inatsisartuts Aningaasaqarnermut Akileraartarnermullu Ataatsimiititaliaat
Att.: Sakarias Amondson

Ilanngussaq
Bilag

B

Naalakkersuisut Siulittaasuat, Kim Kielsen ullumi (18. marts 2020) ima aalajangiivoq:

Inuussutissarsiorfimmumt ikiorsiissutitut katersat
(Inuussutissarsiornermut, Nukissiuuteqarnermut, Ilisimatusarnermut
Suliffeqarnermullu Naalakkersuisoq)

18-03-2020

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Naalakkersuisut aalajangerput:

- Inassuteqaatip matuma Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu, aamma nukinginnartumik suliarineqarnissaa pillugu qinnuteqaammik ilaqartillugu ingerlateqqinneqassanera Naalakkersuisut akuersissutigissagaat:
- "Naalakkersuisut inassutigaaat,
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartutut konto pingaarnermut missingersuutitut ilanngussat najoqqutaralugu 150 mio. kr.-nik aningaasaliissummik ilanngussiffigisamik konto pingaarneq 64.10.35 Coronavirusi (COVID-19) tunngavigalugu inuussutissarsiorfimmumt ikiorsiissutitut katersat nutaaq **ilanngunneqassasoq**, aamma
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmumt ikiorsiissutitut katersani oqaasertaliussa q nr. 1 **ilanngunneqassasoq**".

Taamaalilluni inassut Inatsisartut Aningaasaqarnermut Akileraartarnermullu Ataatsimiititaliaannut nassiuunneqarpoq. Naalakkersuisut isummernissaannut tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq

**Inuussutissarsiornermut, Nukissiuuteqarnermut, Ilisimatusarnermut
Suliffeqarnermullu Naalakkersuisoq**

17-03-2020

Suliap normua: 2020 - 5485

Oqaluuserisap nr.: ____

Naalakkersuisut isummernissaannut tunngavissiaq
NUKIGINNARTOQ

Inuussutissarsiorfimmut ikiorsiissutitut katersat

Inassuteqaat

Naalakkersuisunut inassutigineqarpoq,

- COVID-19-imik tunngaveqartumik Kalaallit Nunaanni suliffinnut mikisunut akunnattumillu angissusilinnut (SMV-nut) inuussutissarsiorfimmi ikiorsiissutitut katersat pilersinneqarnissaat akuersissutigissagaat.
- Missingersuutitut ilanngussamut oqaasertaliussanullu allaqqaakkami ilanngunneqartumi aqqissuussaqaarfimmi allannguuteqarnissamut Naalakkersuisoq pisussaaffilerneqassasoq.
- Inassuteqaatip matuma Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu, aamma nukinginnartumik suliarineqarnissaa pillugu qinnuteqaammik ilaqartillugu ingerlateqqinneqassanera Naalakkersuisut akuersissutigissagaat:
- ”Naalakkersuisut **inassutigaat**,
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartutut konto pingaarnermut missingersuutitut ilanngussat najoqqutaralugu 150 mio. kr.-nik aningaasaliissummik ilanngussiffigisamik konto pingaarneq 64.10.35 Coronavirusi (COVID-19) tunngavigalugu inuussutissarsiorfimmut ikiorsiissutitut katersat nutaaq **ilanngunneqassasoq**, aamma
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmut ikiorsiissutitut katersani oqaasertaliussaq nr. 1 **ilanngunneqassasoq**”.

Aallaqqaasiut

COVID-19 maanna atugaasoq Kalaallit Nunaanni annertuunik aningaasaqarnikkut inunnilu kinguneqarfiunissaa naatsorsuutigineqarpoq. Tamanna nunarsuup sinnerani takuneqarpoq, Kalaallit Nunaannilu allaanerunissaanut isumaqarnissamut tunngavissaqanngilaq, COVID-19-ilu ingammik takornariartitsinermik inuussutissarsiorfimmut sakkortuunik sunniuteqarfioreersimavoq, tassanngaanniit aasamut inniminniissutigisat takkussuutinngikkunik taamaatiinnarneqassanerat nalunaarutigineqarmat.

Tunngavigisaq

COVID-19-ip siammarnera Danmarkimi aamma Kalaallit Nunaanni suliarisanik il.il. taamaatitaqarnernik annertuunik nassataqarsimavoq, tamatumuunakkullu tunillassuunneq suliffeqarfinni mikisuni akunnattunillu angissusilinni amerlavissortuni isertitaqarnernik sunniisimavoq, ilanngullugit ilaatigut takornariartitsinermik misigisassaqaartitsinermillu inuussutissarsiorfiit. Tamanna suliffeqarfinnut akiliisinnaanermik artukkiivoq, ingerlatsinermilu aningaasartuutiminnik aningaasaliuarsinnaannginnerannik nassataqarsinnaalluni.

Naalagaaffiup ikiorsiissutitut katersai

Taamaattumik COVID-19-ip siammarternerata nassatarisaanik suliffeqarfinnut mikisunut akunnattumillu angissusilinnut (SMV-nut) ingerlatsinerminni 50 pct.-it sinnerlugit annaasaqarsimasunut saaffigisaqartumik Danmarkimi inuussutissarsiornermut ministereqarfik qularnaveeqqusissutitut aqqiissuussamik pilersitsinialerpoq.

Aaqqiissutikkut aningaaseriviit taarsigassarsiaannut nutaanut aamma ingerlatsinermut akiitsorigallaritissinnaasaannut, SMV-ni ingerlatsiuarnermut tapersiiniarluni akiliutaasunut aaqqiissutikkut qularnaveeqqusiisoqassaaq.

Qularnaveeqqusiissutitut aaqqiissutip nassatarai:

- SMV-ni ingerlatsiuarnissamik tapersersuiniarluni akiliutaasunik aningaaseriviit taarsigassarsiaannut nutaanut aamma ingerlatsinermut akiitsorigallaritissinnaasaannut naalagaaffik 70 pct.-it tikillugit qularnaveeqqusiivoq.
- Piffissamut najoqqutarisassamut assersuussillutik SMV-nut 50 pct.-it sinnerlugit kaaviiartitsinerminni annaasaqarnerminnik uppersaasinnaasunut aaqqiissutaasoq atuutissaaq.
- Piffissami najoqqutarisaasumi paasineqartutut kaaviiartitanut annaasat qularnaveeqqusiissutit ataasiakkaat annertussusaasa assigissavaat.
- Suliffeqarfiit 1.600-it 3 mio. kr.-nik agguaqatigiissitatut taarsigassarsiani aningaasanik aaqqiissummik atugaqarnissaannik naatsorsuuteqarnikkut aaqqiissutip tamaat isigalugu taarsigassarsiat 4,8 mia. kr.-t tapersersuutigisinnaassagai inuussutissarsiornermut ministereqarfiup nalunaarppaa.

Qularnaveeqqusiinermut aaqqiissut SMV-nut saaffiginnitsitaassaaq, taakku akuttunnginnerusumik suliffeqarfinnut anginernut naleqqiullutik annikinnermik aningaasaateqartarmata, annikinnermillu minnerunngitsumik ajornartoorfeqarfinni aningaasanut tigoraaannarnut attaveqarfeqartarmata. Aaqqiissutaasoq Vækstfondenimit aqutarineqartussaassaaq, aqutsinermullu aningaasartuutit pilersitsinermut qularnaveeqqusiinermillu aningaasarititaasunit matussuserneqassapput.

Kalaallit Nunaanni SMV-t naalagaaffiup SMV-nut qularnaveeqqusiinermut aaqqiissutaani ilaanissaat naalagaaffiup neqeroorutigisimavaa. Nunatsinni suliffeqarfiit aaqqiissummi ilaanissaat kissaatigineqartoq Inuussutissarsiornermut, Nukissiuuteqarnermut, Iisimatusarnermut Suliffeqarnermullu Naalakkersuisoqarfik inuussutissarsiornermut ministereqarfimmut nalunaarutigisimavaa.

Taamatuttaaq suliffinnut angisuunut tunngatitamut naalagaaffiup ikiorsiissutitut katersaani Kalaallit Nunaata ilaanissaminik kissaateqarnera Inuussutissarsiornermut, Nukissiuuteqarnermut, Iisimatusarnermut Suliffeqarnermullu Naalakkersuisoqarfiup naalagaaffimmut nalunaarutigisimavaa. Aaqqiissutikkut suliffeqarfimmut anginerusunut Covid-19-ip nassatarisaanik 50 pct.-it sinnerlugit kaaviiartitsinerminni annaasaqarnerminnik uppersaasinnaanut aningaaseriviit taarsigassarsiaannit 70 pct.-inik qularnaveeqqusissutitut aaqqiissummik naalagaaffik eqqussivoq. Aaqqiissutaasoq niuffaffimmi atugassarisani atuuttussaassaaq.

Inuussutissarsiorfimmut nunatsinnit ikiorsiissutitut katersat

Kalaallit Nunaanni inuussutissarsiorfiup ilusaa suliffeqarfimmit mikinerusunit amerlasuunit ilisarnaateqarpoq. SMV-t OECD-mit nassuiarneqarnerat tassaavoq allanit aqutarineqartutut ingerlatseqatigiiffiunatik kiffaanngissuseqartutut suliffeqarfiunerat. SMV-nut atorneqarnerpaasutut killissaq qullerpaaq tassaavoq ukiumut inuit 250-it suliarisinnaasaat, tamannalu aamma EU-mi nassuiaataasup assingaa. Ilanngullugit kaaviiartitat oqimaaqatigiissitsinermilu aningaasaatit SMV-nik nassuiaanermut atorneqarput. Suussutsinut aamma immikkoortiterinernut najoqqutassanut mikronut, suliffinnut mikisunut akunnattumillu angissusilinnut inissiiffiit ataani takussutissiami takuneqarsinnaapput.

Takussutissiaq I - SMV-t suussuserisaat

Suussuseq	Inuup ukiumut suliarisinnaasat	Kaaviiartitat (mio. DKK)	Oqimaaqatigiissitsinermi aningaasaatit (mio. DKK)
Mikro	< 10	14,94	14,94
Mikisut	< 50	74,7	74,7
Akunnattut	< 250	373,5	321,21

Kalaallit Nunaanni Naatsorsueqqissaartarfimmit naatsorsueqqissaarinermut toqqortaatinit paasissutissat takussutissiaq I-imi najoqqutarisat tamaasa malillugit nunatsinni suliffeqarfimmit taakkuninnga erseqqissumik suussusersinissamik periarfissiinnngillat, kaaviiartitanut oqimaaqatigiissitsinermilu aningaasaatinut tunngatillugu pisariaqartitut paasissutissat pigineqanngimmata.

2013-imi aningaasarsiat tunniunneqartut annertussusaannut paasissutissat tunngavigalugit Kalaallit Nunaanni SMV-nut qanillattuisutut nalunaarsuinermik Inuussutissarsiornermut, Nukissiuuteqarnermut, Iisimatusarnermut Suliffeqarnermullu Naalakkersuisoqarfik suliaqarsimavoq. Nalunaarsugarisat ataani takussutissiami takuneqarsinnaapput.

Takussutissaq 2 – Kalaallit Nunaanni suliffeqarfiit suussusersiorneri

Suussueq	%
Mikro	95,5%
Mikisoq	3,0%
Akunnattoq	1,1%
Angisooq	0,4%
<u>Tamakkerlugit</u>	<u>100,0%</u>

Nalunaarsuut: Nalunaarsuineq 2013-imit aningaasarsiat tunniunneqartut paasissutissartai tunngavigalugit suliarineqarpoq, suliffeqarfiit, inuup ataatsip suliffeqarfiutai ilanngullugit amerlassusaat aningaasarsiat tunniunneqartut akuttoqatigiernerinut nalunaarsorneqarlutik. 2018-imit inuutaasunut 14-it sinnerlugit ukiulinnut agguaqatigiissitatut ilanngaateqareerni isertitat 256.000 kr.-usut aningaasarsiat tunniunneqartut inuup ataatsip ukiumi suliaqarsinnaaneranut nuussinissamut atorineqarput.

Takussutissiaq 2-mi erseqqissumik takuneqarsinnaasutut nunatsinni suliffeqarfiit amerlanerpaartaasa suussuserisaat tassaavoq Mikro. Suussutsimut tassunga saaffiginnitsitamik ikiorsiissutitut katersanik qularnaarinissaq pingaartuussaaq.

Inuussutissarsiorfimmut nunatsinnit ikiorsiissutitut katersat naalagaaffiup qularnaveeqqusiinissamik aaqqiissutaanut ilalersuivoq.

Aallarniutigalugu pilertortussamik ikiorsiissutitut katersat 50 mio. kr.-nik, kiisalu tamatigoortutut ikiorsiissutitut katersat 100 mio. kr.-nik imaqartinnissaat siunnersuutigineqarpoq. Pisariaqartitsineq/periarfissaq malillugu aningaasat amerlisinneqarsinnaassapput.

Ikiorsiissutitut katersat taakku marluk ataani immikkoortuni ”Inuussutissarsiorfimmut ikiorsiissutitut katersat – Imm. 1 (Pilertortussanut katersat)”, aamma ”Inuussutissarsiorfimmut ikiorsiissutitut katersat – Imm. 2 (Tamatigoortussatut katersat)”-ni erseqqinnerusumik nassuiarneqarput.

Kalaallit Nunaanni aaqqiissutaasumi ilaasinnaanermut piunasaqaataasinnaasut suliffeqarfimmi illua'tungerisallu oqaluuserineqarsimasut tassaapput SMV-p suliffeqarfiup makkunanga uppernarsaasinnaanera:

1. Akileraarutinut akitsuutinullu akiliinissamik killingisat sivitsornissaat pillugu aaqqiissutit nassatarisaanik pinngortunik akileraarutinut aningaasaatit tigoriaannaat sinnerlugit annertunerusunik pisariaqartitsinerit, takuuk suliaqarfisaaq 20 – 24-mut oqaasertaliussaq nr. 2 aamma 3 pillugu qinnuteqaat, Aningaasaqarnermut Naalakkersuisoqarfik, kiisalu Akileraartarnermut Aqutsisoqarfik.
2. SMV-nut naalagaaffimmit qularnaveeqqusiinermut aaqqiissummi ilaanermut annertunerusunik pisariaqartitsinerit (ilanngullugit aningaaserivinnit aamma vækstfonden-imit suliaqarnissamik utaqqisinnaanngitsunik pilersortunik aningaasaqarnikkut ajornartorsiuteqarnerit), imaluunniit ilaanissamut itigartitaasimaneq.

3. Nunatsinniit ikiorsiissutitut katersanit tapiissutinik pissarsissappat ukiup naamissaata tungaanut (ukiumi nutaami aningaasat nalingisa allanngoriartornerisat pitsanngorsinissaat pillugu naatsorsuuteqarluni) minnerpaamik atasinnaanernerminik niuernerup ingerlatarinissaanut pilersaarummik missingersuummillu saqqummiussinermigut ilimanarnerulersitsisinnaanera.

Kalaallit Nunaanni inuussutissarsiorfinnut katersat tapiissutitut, taarsigassarsiatut imaluunniit taakkuninnga kattussinertut tunniunneqassanerat isumaliutigineqassaaq. Assersuutigalugu ilaata taarsigassarsiatut, piffissami naafferartumik akiliuteqarfianilu ernialigaanngitsumik tapiissutaasinnaanera isumaliutigineqarsinnaavoq.

Kalaallit Nunaanni suliffeqarfiit tamarmik inuussutissarsiorfinnut agguataarnerat ataani takussutissiaq 3-mi takuneqarsinnaavoq.

Takussutissiaq 3 – Kalaallit Nunaanni suliffeqarfiit inuussutissarsiorfinnut agguataarneri

	Suliffiit amerlassuaat
A. Aalisarnej aamma aalisarnermut attuumassutilittut suliffissuaqarfiit niuerfiillu	2.047
B. Aatsitassanik piiasoqarfik	31
C. Sanaartugaqarluni suliffeqarfiit	90
E. Imermik pilersuineq: eqqakkat aqputaat eqqaavilerinerillu	44
F. Illuliorlunilu sanaartorneq	286
G. Niuertunik pilersuineq atugassanillu pisiniarfiit: qamutininik motoorilinnik motorcykelinillu iluarsaassinerit	325
H. Assartuussinerit, nassiussanillu isumaginninnerit	239
I. Unnuisitsinermut atortorissaarutit aamma neriniartarfiit	119
J. Paasisitsiniaanerit attaveqaqatigiinnerillu	116
K. Aningaaseriviit aningaasalersuinerillu, sillimmasiisarnerit	16
L. Illuutit (pigisat) aalaakkaasut	74
M. Niuerniutitut, ilisimatusarnikkut teknikkillu tungaatigut kiffartuussinerit	235
N. Allaffissornikkut sullissinerit ikiorsiissutillu	220
P. Ilinniartitaaneq	48
Q. Peqqinnissaqarfik isumaginninnermilu iliuuserisat	80
R. Kulturi, aliikkutaqartitsinerit timersornerlu	90
S. Kiffartuussinermik ikiorsiissutit allat	170
X. Paasissutissiissutaanngitsut	38
Tamakkerlugit	4.268

Najoqqutaq: Kalaallit Nunaanni Naatsorsueqqissaartarfik

Inuussutissarsiorfiusut piffissamut nukittussutsimullu tunngatillugit naatsorsuutigisaasussamik assigiinngitsumik eqqorneqassanerat oqaatigineqassaaq. Kiffartuussinermik inuussutissarsiorfiusut anenrtuumik takornariartitsinermik tunngaveqartut angalasoqarnermit unitsitaasumit piaartumik eqqorneqassapput, pinngortitamili isumalluutininik iluaquteqarneq kingusinnerusukkut eqqorneqarnissaa naatsorsuutigineqassalluni.

Inuussutissarsiorfimmu ikiorsiissutitut katersat – Imm. 1 (Pilertortussanut katersat)

Annertuumik taamaatitaqarnerit nassatarisaannik suliffeqarfiit arlallit akunnittarfeqarnerup, neriniartarfeqarnerup kiffartuussinermillu inuutissarsiorfiit aalajangersimasut assigisaasalu iluiniittut maannakkumiit pilertortunik aningaasaqarnermikkut tamaviaarfissanik misigisaqalereersimanerat Sulisitsisut ilisimatitsissutigaat.

Taamaattumik suliffeqarfiit taakku ilaasa akiliisinnaajunnaassanngippata pilertortumik aningaasaqarnermi ikiorsiinissamut pisariaqartitsisoqarpoq. Periusaasunik iluarsiinissamut iluserisanik piviusunik assigiinngitsunik oqaluserinnereernermi GE-mik, SIK-mik, Nusukamik aamma KNAPK-mik isumaqatigiissutaasoq anguneqartoq tassaavoq iluarsiiissutini pitsaanerpaaq tassaasoq tamatumunnga aningaasaqarnikkut toqqammavissamik immikkoortitsisoqarnissaaq, aammalu pisariaqartitsinermik piviusunik nalilersuinerit tunngavigalugit Namminersorlutik Oqartussani naalakkersuisoqarfiit aamma suliffeqarfimmi illua'tungeriit tunniussinissamut najoqqutassanik ullut qaninnerpaat iluini siunnersuuteqarnissaat. Maannakkut ilaasortamini pisariaqartitaasunik ataqatigiissitatut aaqqiissuusaralugu ersarissaanermik misissuineq GE-p ingerlataraa.

Tamatuminnga tunngaveqartumik pilertortussanut katersani ilaasutut inuutissarsiorfiit tapersorsornissaannut 50 mio. kr.-nik tapiliutitut aningaasaliissutit qinnutigineqarput, takukkit missingersuutininut ilaliussaaq oqaasertaliussarlu ilanngunneqartut.

Suliffeqarfimmi illua'tungerisanit inassuteqaat malillugu Naalakkersuisut Siulittaasuat suliffeqarfimmi illua'tungerisanik oqaloqateqareerluni pilertortussatut ikiuinissamut katersaniittunik aningaasaliissutissanik qinnuteqarnissamut tunniussaqaarnissamullu erseqqinnerusumik najoqqutassanik aalajangersaanissaa pisussaaffilerneqarpoq.

Inuussutissarsiorfimmu ikiorsiissutitut katersani imm. 1 Greenland Businessimit aqutarinissaa siunnersuutigineqarpoq.

Inuussutissarsiorfimmu ikiorsiissutitut katersat – Imm. 2 (Tamatigoortutut katersat)

Akunnittarfinnut, neriniartarfinnut kiffartuussiffittullu inuutissarsiorfinnut aalajangersimasunut assigisaannullu naleqqiullugit inuutissarsiorfittut immikkoortoqarfiit allat COVID-19-imik nalaataqarnerup nassatarisaanik killup tungaanut, tassanngalu nassatarisaasunik killup tungaanut aningaasaqarnikkut kingunerisinnaasanik sunniuteqarfiusinnaanissaat naatsorsuutigineqartariaqarpoq.

Taamaattumik inuutissarsiorfittut immikkoortuni allani ajornartorsiutinik ikiorsiinissamut atorneqarsinnaasunik tamatigoortutut inuussutissarsiorfimmu katersanik maannakkumiilli pilersitsisoqarnissaaq pingaartuuvoq.

Immikkoortoqarfimmi allani, ilanngullugit aalisarnermik immikkoortoqarfimmi, sanaartornermik immikkoortoqarfimmi, atugassanik nioqquteqarfimmi angallassinermilu immikkoortoqarfimmi aningaasaqarnikkut ajornartorsiutaasinnaasut pinngorumaartussat piaartumik sunniuteqarluartumillu pakkersimasinnaanissaat siunertaralugu agguuassassat

pilersinneqassapput. Suliaqarfiusut tulleriaarsorneqartut taakku tamakkiisuunnginnerisa erseqqissarnissaa pingaartuuvoq, taamaallaalli tassaapput pisariaqartitsinermik tapersersuinissamik pinngortoqarfiusinnaaneranut assersuutaallutik.

Ilaatigut GE-mit, SIK-mit, Nusukamit, KNAPK-imit, aamma pisortani oqartussaqaarfinit sinniisunit ilaasortaartut COVID-19-imut inuussutissarsiorfimmi immikkoortup pilersinneqartup akuttoqatigiissumik naapittarnissaat suliffeqarfimmi illua'tungerisanit inassutaavoq, inuussutissarsiorfimmi ikiorsiissutitut katersani immikkoortoqarfiit sorliit ilaasinnaaneriniq Naalakkersuisunut inassuteqarsinnaanissaq tassuunakkut siunertarineqarluni. Ilanngullugu COVID-19-imut inuussutissarsiorfimmi immikkoortoq tapiissuteqarnissamut ilaalu ilanngullugit najoqqutassat siunertaralugit tulluarnepaatut malittarisassianut taakkununga siunnersuutiniq saqqummiussiuartarnissaa inassutigineqarpoq.

Tamatigoortutut inuussutissarsiorfimmu katersat inuutissarsiorfittut immikkoortunut toqqartukkanut ajornartorsiutiniq pinngortoqaraangat piaartumik sunnuteqarluartumillu qisuariarsinnaanissaa pingaartuuvoq. Taamaattumik maannakkumiilli inuutissarsiorfinni immikkoortuni attuumassutilinni aningaasaqarnikkut ajornartorsiutaasinnaasut ikiorsiiviginissaannut aningaasaqarnikkut toqqammavissamik immikkoortitsisoqassasoq COVID-19-imut inuussutissarsiorfimmi immikkoortup siunnersuutigaa. Tamatuminnga tunngaveqartumik tamatigoortutut katersani ilaasunik inuutissarsiorfiit tapersersornissaannut tapiliutitut 100 mio. kr.-nik aningaasaliissutissanik qinnuteqartoqassasoq inassutigineqarpoq, takukkit missingersuutitut ilanngussat oqaasertaliussallu ilanngunneqartut.

Suliffeqarfimmi illua'tungerisanit inassuteqaat malillugu Naalakkersuisut Siulittaasuat suliffeqarfimmi illua'tungerisanik oqaloqateqareerluni tamatigoortutut ikiuinissamut katersaniittunik aningaasaliissutissanik qinnuteqarnissamut tunniussaqaarnissamullu erseqqinnerusumik najoqqutassamik aalajangersaanissaa pisussaaffilerneqarpoq.

Taamatuttaaq Inuussutissarsiorfimmu ikiorsiissutitut katersani imm. 2 Greenland Businessimit aqutarinissaa siunnersuutigineqarpoq.

Inuussutissarsiorfimmi COVID-19-imut immikkoortoqarfimmik pilersitsineq
Namminersorlutik Oqartussat inuussutissarsiorfimmi COVID-19-imut immikkoortoqarfimmik immikkut ittumik pilersitsissaaq, taannalu COVID-19-ip nassattarisinnaasaanik inuussutissarsiorfimmu tunngasutut tamaviaarfissamik nakkutiginnittuarlunilu ikiorsiuartassaaq. Siulittaasuuffik allaffissornikkullu atuuffik Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfimmit isumagineqassaaq, ilaasortalli sinneri Ingerlatseqatigiiffinnut Allattoqarfimmit, Aalisarnermut, Piniarnermut Nunalerinermullu Naalakkersuisoqarfimmit, Aningaasaqarnermut Naalakkersuisoqarfimmit, Sulisitsisunit, Nusukamit, Greenland Businessimit, KNAPK-mit aamma SIK-mit allanillu amerlanerit toqqarneqassapput.

Aallarniutigalugu pilersaarutigisaaq tassaavoq aqutsisoqarfimmi inissisimaffiusumi naammassineqarsinnaasutut suliarisassamik immikkoortoqarfiup siunnersuutiniq saqqummiussarnissaa. Aammali sapinngisamik ima siusitsigisukkut aningaasaliinermut tunngasunut, allatulluunniit inatsisitigut tunngasumik toqqammavigisamik pisariaqartitsisumik siunnersuutiniq saqqummiussisoqarsinnaalerluni aqutsisoqarfiup

susoqarneranik paasisimasaqarnissaanut aalajangiisuusussamik immikkoortoqarfiup aamma suliassarivaa.

Aningaasatigut kingunerisinnaasai

Ikiorssiissutitut katersanut taakkuninngalu aqutaqarnissamut matussutissanik 150 mio. kr.-nik immikkoortitsisoqarnissamut tunngatillugu aningaasaliinissamut qinnuteqaat nassiunneqarumaarpoq.

Ikiorssiissutit ataatsimoortut piffissami killilimmi atuutissapput, 30. juni 2020 ilanngullugu, aningaasaliissutinilu atorneqanngitsoqassagaluarpat taakkua landskarsimut utertinneqassallutik.

Piffissap suliniuteqarfiusup naareerneratigut suli pisariaqartitsisoqassagaluarpat, atugassiisoqartariaqassaaq nutaamik Aningaasaqarnermut Akileraartarnermullu Ataatsimiititaliamut saqqummiussereernikkut.

Attaveqaqatigiinneq

Aaqqiissut pillugu tusagassiorfinnut nalunaarut nassiunneqarumaarpoq, kiisalu Greenland Businessip nittartagataani ilassutitut paasisutissat inissinneqassapput.

Tusarniaaneq

Saqqummiussineq sioqqullugu aaqqiissut Sulisitsisullu oqaluuserineqarsimavoq.

Tunngavissiissut Aningaasaqarnermut Naalakkersuisoqarfimmi, Naalakkersuisut Siulittaasuata Naalakkersuisoqarfiani, Aalisarnermut, Piniarnermut Nunalerinermullu Naalakkersuisoqarfimmi tusarniaassutitut nassiunneqarsimavoq.

Tusarniaanermut akissutit attuumassutilittut annertussuseqartutut ilanngussorneqarput.

Jess Svane

/

Jørn Skov Nielsen

Ilanngussat:

- Ikiorssiissutitut katersanut tunngasutut oqaasertaliussanut missingersuutinullu ilanngussanut allaqqaakkat.

Ilanngussaq – Oqaasertaliussaq kiisalu oqaaseqaatit kontumut pingaarnermut 64.10.35
Inuussutissarsiutinut ikiorsiissutit coronavirus (COVID-19) tungavigalugu

**Inuussutissarsiornermut, Nukissiuuteqarnermut, Ilisimatusarnermut
Suliffeqarnermullu Naalakkersuisoq – Ingerlatsivik 62-64**

**Konto pingaarnermut 64.10.35 Inuussutissarsiutinut ikiorsiissutit coronavirus (COVID-19)
atuuttoq tungavigalugu**

Imaattunik oqaasertaliussanik ikkussisoqarnissaanik qinnuteqartoqarpoq kontumi pingaarnermi matumani 2020-imi ilassutitut aningaasaliissutissanut siunnersuummi:

”Nr. 1.

Inuussutissarsiutinut ikiorsiissutissanik immikkoortitsisoqassaaq COVID-19-ip kingunerisaanik kalaallit inuussutissarsiorfiutaasa ajornartorsiutigiligaannut ikiorsiissutitut.

Naalakkersuisut piginnaatinneqarput suliffeqarnermi illuatungeriinnik isumasioreernermikkut qinnuteqarnissanut atugassarititaasunik ersarinnerusunik aalajangersaanissamut, qinnuteqartarnermi, ikiorsiissuteqartarnermi aammalu suliat allaffissornikkut isumaginerannut inuussutissarsiortunut ikiorsiissutitut atatillugu, matumanissaaq inuussutissarsiutit sorliit piffissami pineqartumi aaqqissuussinermi ilaanersut pillugit.

Naalakkersuisut piginnaatinneqarput avataani suleqatigisanut allaffissornikkut ingerlatsinissamut isumaqatigiissuteqarnissamut.”

**Oqaaseqaatit kontumut pingaarnermut 64.10.35 Inuussutissarsiutinut ikiorsiissutit
coronavirus (COVID-19) atuuttoq tungavigalugu**

Oqaaseqaatit tulliuttut oqaasertaliunneqarnissaat qinnutigineqarput kontumut pingaarnermut pineqartumut tungatillugu 2020-imut ilassutitut aningaasaliissutissanut inatsisissutut siunnersuummi:

”Nr. 1.

Oqaasertaliussap Naalakkersuisut piginnaatippai inuussutissarsiortunut ikiorsiissutitut aaqqissuussinermik aningaasaliissutitut killiliussat iluanni pilersitsinissamut.

Naalakkersuisut piginnaatinneqarput inuussutissarsiutinut ikiorsiissutit immikkoortitsernissaannut ikiorsiissutikkaartunut immikkoortunut arlaqartunut, siunnerfigalugu ikiorsiisarnissaaq inuussutissarsiutinik piffissami pineqartumi ikiorserneqarnissamik pisariaqartitsisunut, kiisalu allaffissornikkut inuussutissarsiutinut ikiorsiissutit ingerlatsisuusussamut isumaqatigiissuteqarnissamut, tamakkiisumik imaluunniit ikiorsiissutissanut ilaannut.

Ikiorsiissutit immikkoortuat ataaseq immikkut ittumik pisariaqartitsinernik tunngaveqartumik saaffiginnittuussaaq akunnittarfeqarnermut, neriniartarfeqarnermut aammalu inuussutissarsiutinut kiffartuussiviusunut assigisaannullu, maannangaaq immikkut ittumik aningaasarsiornermikkut unammillernartunik atugaqalereersimasunut, pisussanik taamaatitsiortortoqarnerata kingunerisaanik. Pisariaqartitsisoqarpoq immikkut ittumik sukkasuumillu aningaasaqarnikkut ikiorsiissuteqartoqarnissanut, suliffeqarfiit pineqartut akiliisinnaajunnaarlutik uniinnartassanngippata. Qularnaarumallugu ikiorsiinerup pilertortumik pisarnissaa Naalakkersuisut piginnaatinneqarput allaffissornertaanut, qinnuteqartarnissanut aammalu inuussutissarsiutinut ikiorsiissutinik aningaasaliissuteqartarnissanut atugassarititaasunik aalajangersaanissanut.

Kiisalu aamma naatsorsuutigineqarpoq inuussutissarsiutinut tapiissuteqarnermik aqqissuussineq ataatsimoortumik siunnerfeqartoq, inuussutissarsiutini allani ajornartorsiutinut ikiorsiisarnernut atorneqarsinnaasussaq. Aningaasaliissutit immikkoortut pilersinneqassapput siunnerfigalugu sukkasuumik naammassisaqarfiusumillu aningaasarsiornermikkut ajornartorsiutaalersartut iliuuseqarfigisarumallugit, inuussutissarsiutini allani pilersarumaartut, matumani aamma aalisarnermi, sanaartornermi, niuertarfeqarnermi aammalu assartuinermi assigisaannilu. Qularnaarumallugu ikiorsiinerup pilertortumik pisarnissaa Naalakkersuisut piginnaatinneqarput allaffissornertaanut, qinnuteqartarnissanut aammalu inuussutissarsiutinut ikiorsiissutinik aningaasaliissuteqartarnissanut atugassarititaasunik aalajangersaanissanut.

Inuussutissarsiutinut ikiorsiissutitut aningaasaliissutit naatsorsuutigineqarput Greenland Business-imit allaffissornikkut ingerlanneqarnissaat.

Oqaasertaliussaq nutaajuvoq.

Aningaasaqarnermut akileraartarnermullu ataatsimiititaliamit akuerineqarpoq ulloq xx-yy-2020., suliaq nr. 20-xxx.

**64.10.35 Inuussutissarsiutinut ikiorsiissutit coronavirus (COVID-19) tunngavigalugu
(Ingerlatsineranut aningaasaliissutit)
Missingersuutit immikkoortitserneri**

	1.000 kr.
<u>Ilanngaaseereerluni aningaasartuutit</u>	<u>150.000</u>

Illassutit aningaasaliissutit 2020

Kontumut pingaarnermut matumunnga oqaasertaliisoqarpoq.

Konto pingarneq manna nutaajuvoq.

Maanna pissutsit atuuttut COVID-19-imut atatillugu Kalaallit Nunaanni aningaasarsiornermut innuttaasunullu annertuutigut sunniuteqarpoq. Taamaattumik aningaasaliissutit ukua aqutigalugit siunnersuutigineqarpoq kalaallit inuussutissarsiutinut ikiorsiissutissaanik aqqissuussisoqassasoq, ilassutaasutut danskit naalagaaffiata qularnaveeqqusisarnernik aqqissuussineranut suliffeqarfinnut mikisunut akunnattunullu, COVID-19-imit sunnerneqartunut.

Suliffeqarfiit arlalissuit akunnittarfeqarnermi, neriniartarfeqarnermi aammalu kiffartuussinernik inuussutissarsiutini assigisaannilu maanna immikkut ittunik aningaasaqarnermikkut unammilligassaqalersimapput, pisussanik annertoorejussuarmik taamaatitsiortortoqarneratigut. Taamaattumik pisariaqartitsisoqarpoq immikkut ittunik ikiorsiisoqarnissaanik, suliffeqarfiit pineqartut akiliisinnaajunnaarlutik uniinnassanngippata. Pilersitsisoqassaaq immikkut ittunik tassanngaannartumik ikiorsiissutissanik inuussutissarsiutinut taakkununga atorineqartussanik.

Taamaattumillu pisariaqartitsisoqarpoq ataatsimut isigisumik inuussutissarsiutinut sammisumik ikiorsiissutissatut poortukkamik, inuussutissarsiutini allani ajornartorsiutinut ikiorsiissutaasinnaasunik, matumani aamma aalisarnermi, sanaartornermi, pisiniarfeqarnermi aamma assartuinermi il.il.

Aningaasaqarnermut ataatsimiititaliamit akuerineqarpoq ulloq xx-yy-2020., suliaq nr. 20-xxx.



Uunga: Inatsisartuts Aningaasaqarnermut Akileraartarnermullu Ataatsimiititaliaat
Att.: Sakarias Amondson

Ilanngussaq
Bilag

Naalakkersuisut Siulittaasuat, Kim Kielsen ullumi (18. marts 2020) ima
aalajangiivoq:

**Coronaviruseqarneranut atatillugu akileraarutininut akitsuutinullu
imikkut ittumik illiuseqarnissamut piginnaatitsissummik
ilassutissatut aningaasaliissutinut qinnuteqaat
(Aningaasaqarnermut Aatsitassanullu Naalakkersuisoq)**

18-03-2020

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Naalakkersuisut aalajangerput:

- Naalakkersuisut inassuteqaat tulliuuttoq akuerissagaat
Inatsisartullu Aningaasaqarnermut Akileraartarnermullu
Ataatsimiititaliaannut nukingiuqqarnissaa qinnutigalugu
akuerineqartussanngorlugu ingerlateqqissagaat:

"Naalakkersuisut **inassutigaat**,

- 2020-mut ilassutissatut aningaasaliissutinut inatsisissatut
siunnersuummi suliassaqaarfik 20 – 24 Aningaasaqarnermut
Naalakkersuisoqarfik kiisalu Akileraartarnermut Aqutsisoqarfik
ilanngussaq naapertorlugu oqaasertaliussat nr. 2 aamma 3
ilanngunneqassasut"

Taamaalilluni inassut Inatsisartut Aningaasaqarnermut Akileraartarnermullu
Ataatsimiititaliaannut nassiuqqarpoq. Naalakkersuisut isummernissaannut
tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Vittus Qujaukitsaq

Aningaasaqarnermut Aatsitassanullu Naalakkersuisoq

18-03-2020

Suliap normua: 2020 - 5344

Ullormut oqaluuserisassani imm.: ____

Naalakkersuisut isummernissaannut tunngavissiaq

NUKINGIUSSAQ

Coronaviruseqarneranut atatillugu akileraarutinut akitsuutinullu imikkut ittumik iliuuseqarnissamut piginnaatitsissummik ilassutissatut aningaasaliissutinut qinnuteqaat

Inassuteqaat

Aningaasaqarnermut Aatsitassanullu Naalakkersuisup **inassutigai**,

- Naalakkersuisut inassuteqaat tulliuuttoq akuerissagaat Inatsisartullu Aningaasaqarnermut Akileraartarnermullu Ataatsimiititaliaannut nukingjunneqarnissaa qinnutigalugu akuerineqartussanngorlugu ingerlateqqissagaat:

”Naalakkersuisut **inassutigaat**,

- 2020-mut ilassutissatut aningaasaliissutinut inatsisissatut siunnersuummi suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik ilanngussaqaq naapertorlugu oqaasertaliussat nr. 2 aamma 3 ilanngunneqassasut”

Aallaqqaasiut tunuliaqutarlu

Maanna Kalaallit Nunaanni coronavirusimik napparsimasoqarnera paasineqaqqammerpoq, siammasinngitsumilli. Virusilli Kalaallit Nunaanni namminersorlutik inuussutissarsiortunut annertuumik sunniuteqarnissaa ilimagineqartariaqarpoq. Virusi takornariat ikileriarnerannik, suliffeqarfimmut atatillugu angalasut kiisalu ataatsimeersuarnerit ataatsimiinnerillu il.il. ikinnerulerneranik, timmisartukkut angalasut ikinnerulernerannik il.il., nassataqarsinnaavoq, soorluttaaq inuussutissarsiutit allat aamma eqqornerlunneqarnissaat ilimagineqarsinnaasoq.

Namminersorlutik inuussutissarsiortunut suliakinnerulernikkut, sulisut angerlartinneqarnerisigut, napparsimasut amerlanerulerinerisigut il.il tunisassiatigut annaasaqarnertigut annertusissasut ilimagineqarpoq.

Ingammik timmisartuussisartut, takornariartitsisut, hotelit neriniartarfiillu nappaatip siaruaanneranik sunnerneqarnissaanik aarlerinartorsiussasut ilimagineqarpoq, kinguneqaatilli aamma inuussutissarsiutinut arlalinnut allanut eqquisinnaassangatinneqarput. Massakkuugallartorli namminersorlutik inuussutissarsiortunut suliffeqarnermilu kinguneqaatit taakku qanoq annertutigiumaarnerat qanorlu sivisutigisumik atuunnissaat siumut oqaatigineqarsinnaanngilaq. Tassunga atatillugu aalisakkanik avammut nioqquteqarnerup sakkortuumik eqqorneqannginnissaata immikkut aallunneqarnissaa pisariaqarpoq, tamatumani inuussutissarsiutip tamatuma inuiaqatigiinnut nunallu aningaasaqarneranut annertuumik sunniuteqarnera eqqarsaatigalugu. Taamaalilluni aalisarnerup ingerlaannarnissaa anguniarlugu sapinngisamik suliniartoqartariaqarpoq, tassani inuttaasussat sulisussallu pisariaqartut isumannaarnissaat ilanngullugu.

Matumanili ajornartorsiutit taamaattut naapertuuttumik ingalassimatinneqarnissaat suliffeqarfiillu namminersortut sapinngisamik ingerlaannartinneqarnissaat pingaaruteqarpoq. Taamaammat tamakku peqatigisaannik ikiorsiissutaasinnaasut piareersaasiorneqarput. Tamanna ilaatigut suliffeqarfimmut sulisartoqarnermullu Inuussutissarsiornermut, Nukissiuuteqarnermut, Suliffeqarnermut Iisimatusarnermullu Naalackersuisoqarfimmit kiisalu akileraartarnermut akitsuutinullu ikiorsissutit Aningaasaqarnermut Naalackersuisoqarfimmit ikiorsiissuteqarpoq.

Kingullertut taaneqartoq oqaasertaliussakkut, akileraarutit akitsuutillu akilerneqarnissaannut piffissaliussat sivitsorneqarsinnaanerannik Naalackersuisut piginnaatinneqarnissaannik siunertaqartukkut, taamaaliornikkullu suliffeqarfiit aningaasanik tigorianaanaataannik nukittorsaanermik periarfissiinikkut. Taamaalillutik suliffeqarfiit aningaasanik tigorianaanaateqarnerulissapput, taamaalillutillu nappaatip siaruaannerani suliassakinnerulernerumut akiuussinnaanerulissallutik.

Piginnaatitsissut siammasissumut atuuttussanngortinneqarpoq. Tamanna nunani allani COVID-19-ip sukkasuumik siaruaalluni ineriartortarneranik aallaaveqarpoq. Piginnaatitsissut siammasissortaaq ingammik nappaat annertuumik siaruaatissappat Aningaasaqarnermut Akileraartarnermullu Ataatsimiititaliamut akuersissutinik pissarsiniarnermut atatillugu unammillertoqalersinnaanerannik tunngaveqarpoq. Taamaattoqarnerani iliuutsit naapertuuttut pilertortumik atuutilersinnissaannut periarfissanik akornusiissaaq, taannalu namminersorlutik oqartussat namminersorlutik inuussutissarsiortunik ikiorsiinissamut periarfissaannik akornusiissaaq.

Taamaamat pisariaqartitsinerup paasinarsinera peqatigalugu akiliinissanik piffissaliussat sivitsorneqarsinnaanerannik Naalakkersuisut siammasissumik piginnaatinneqarnissaat pisariaqarpoq.

Taamattaq oqaasertaliussatigut nammineerluni nalunaarsuinermut, akileraarutissanik naatsorsuinermut, inaarutaasumik naatsorsuinermut kiisalu ukiup siuliani soraarnerussutisianut katersivinnut akiliutinik ukiumut naatsorsukkanik nassitsinermut piffissaliussat kinguartinnissaannik Naalakkersuisut piginnaatinneqarput. Akileraartarnermut Aqutsisoqarfiup COVID-19-ip siaruaatilersinnaanerani ingerlatsisinnaanera eqqarsaatigalugu piginnaatitsissut tunngaveqarpoq. Akileraartarnermut Aqutsisoqarfik sulisunik amerlasuunik angerlartitsisariaqalissaguni imaluunniit inuiaqatigiit ingerlanneqarnerani pingaarutillit soorlu allakkanik agguaassinerit eqqorneqarnerisigut Akileraartarnermut Aqutsisoqarfik piffissaliussanik inatsisitigut aalajangersakkanik naammassinninniarnermi ajornartorsiuteqalersinnaavoq.

Aallaavittut oqaasertaliussat uku missingersuutitut sunniuteqanngillat, akileraarutinummi akitsuutinullu akiligassanik akiliinissat kinguartinneqarnerat kisimi sunniutaassamat. Taamaattoq suliat ingerlanneqartut ataavartumik appasinnerulissappata, suliffeqarfiilluunniit annertuumik aningaasaqarnermikkut unammilligassaqaqalerlutilluunniit akiliisinnaajunnaassappata iluanaarutissanik annaasaqartoqarsinnaavoq.

Piffissat akiliiffissat sivitsorneqarneranni Naalakkersuisut nunatta karsiata aningaasanik tigoriaannaataannut sunniutissatut ilimagineqartunut takussutissamik suliaqassapput. Naalakkersuisut suliniutit ingerlanneqartut aningaasanik tigoriaannarnik sunniutaannik Aningaasaqarnermut Akileraartarnermullu Ataatsimiititaliamik ilisimatitsissapput.

Aningaasatigut kinguneqaatit

Massakkuugallartoq nunatta karsianut kommunillu karsiinut aningaasatigut kinguneqaatit nalilersornissaat pisinnaanngikkallarpoq.

Oqaasertaliussat aallaavittut missingersuutitigut oqimaaqatigiipput. Nunatta karsiata aningasaanik tigoriaannarnik imakinnerulernera oqaasertaliussat nassatarisinnaavaat. Nunatta karsiata aningaasanik tigoriaannaat ikinnerulernera kinguneqaatit nunattalu karsia apeqqutaatillugit sipaaruteqarnermik imaluunniit aningaasartuuteqarnerulernermik nassataqarsinnaavoq. Aningaasat tigoriaannaat ikilinerat aningaasanik ullumikkut killormut ernialersukkanik aningaasalersorneqarpat sipaarutit pilersinnaapput.

Oqaasertaliussartaaq maanna peqqinnissaqarnermut, inuussutissarsiormermit suliffeqarnermullu immikkoortumi suliniutinut ataqatigiissillugu isigineqassaaq. Suliniutit taakku aamma aningaasanut tiguinnarianik ikinnerulersitsissapput.

Peqqinnissaqarfimmi oqaasertaliussat aningaasaliissutinik 50 mio. kr.-nik amerlanerulersitsinissamik periarfissiissut piareersaasiorneqarput. Inuussutissarsiormermit immikkoortumi massakkuugallartoq suliniutinik marlunnik qaammatini pingasuni katillugit 207 mio. kr.-nik piffissaagallartumi aningaasartuuteqarnerulersitsisussatut ilimagineqartut sulissutigineqarput.

Akileraarutininik A-nik akiliinissamik piffissaliussap nunatta karsianut aningaasanik tiguinnariaataannut qaammammut 250 mio. kr.-nik sunniuteqassanganneqarpoq, taamaaliornermi namminersorlutik oqartussat maannamut akileraarutininik A-nik

ingerlatitseqqiisarnissaa tunngavissaatinneqarmat. Taanna kommunit aningaasanik tiguinnariaateqarnerat eqqarsaatigalugu pisariaqartutut isigineqarpoq.

Allakkap uuma suliarineqarnerata nalaani nunatta karsia 1,6 mia. kr.-nik uninngasuuteqarpoq. Matumanili aningaasat atuinnaarissat pineqannginnerisa erseqqissaatiginissaat pingaaruteqarpoq. Aningaasani uninngasuutini annertuut Sanaartornermut Iluarsartuussinermullu Aningaasaateqarfimmi sanaartugassatut suliniutinut pituttorsimasuupput.

Nunatta karsiata sukkulluunniit aningaasartuutit ingerlaavartut minnerpaamik 10 procentiinik imaqaarnissaa anguniarneqartuutuvoq. Tamanna 2020-mi aningaasartuutit qaffasissusaat aallaavigalugu nunatta karsiata 700 mio. kr.-t missaannik uninngasuuteqarnissaanik pisariaqartitsivoq.

Aningaasaqarnermi politikikkut kinguneqaatit

COVID-19-ip passunneqarnera suliniutinik siumut takorloorneqarsinnaanngitsunik annertuunik pisariaqartitsissaaq. Maannakkut pissutsit immikkut illuinnartut qanoq kinguneqarnissaat ilisimaneqanngitsut pineqarput. Nunatta karsianut tunngatillugu (aamma missingersuutit naatsorsuutillu pillugit inatsimmi aalajangersakkat eqqarsaatigalugit) pissutsit immikkorluinnaq ittut siumut takorloorneqarsinnaasimanngitsut, aningaasatigut annertooujussuarmik sunniuteqartussat pineqarput. Tamanna maanna ajornartorsiorneq qaangerneqarpat, minnerpaamik pilersaarutinut/suliniutinut allanut kinguneqaateqassaaq, soorluttaaq nunatta karsiata aningaasanik tiguinnariaateqarnissaa qulakkeerniarlugu piaartumik taarsigassarsisoqarnissaanik pisariaqartitsisoqalernissaa pisinnaasoq.

Aningaasaqarnermut Naalakkersuisoqarfik pisariaqartitsinerup qulaajaavigineqarnissaanik misissueqqissaarnermik aallartitsivoq, tassani maanna ikiorsiissutitut iliuusaasut, inuiaqatigiinni suliat ingerlanneqartut ineriartornerat kiisalu ikiorsiissutissatut taakkartorneqartut pilersinneqarnissaannut aningaasatigut periarfissanik pilersitsinissamut tullerriaareqqinnissamut siunnersuutaasinnaasunik ilaatigut aningaasatigut kinguneqaatigiумаagaat tunuliaqutaralugit aningaasat uninngasuutit ineriartornerannik takorluukkat assigiinngitsut suliarineqarnerat ilanngullugit. Ilaatigut minnerpaamik Sanaartornermut Iluarsartuussinermullu aningaasaateqarfimmi suliniutinik kinguartitsinissaaq, Corona-virusip sunniutaanik annikillisaanissamut inuussutissarsiutinillu ingerlataqartuni sulisussanik amigaateqarnermi ajornartorsiutit iliuuseqarfiginiarlugit aningaasanik atugassanngortitsinissaaq siunertaralugu pisariaqalersinnaavoq. Peqatigisaanillu suliniutit assigiinngitsut nutaat kinguartinneqarneranik tamatuma kinguneqarsinnaanera ilimagineqarsinnaavoq. Tamakku pillugit immikkut saqqummiussisoqassaaq, tassani tullerriaareqqissinnaanerit 2020-milu kiisalu 2021 ilanngullugu missingersuutit inissisimanerat pillugu isumaliutit erseqqinnerusut ilanngullugit. Saqqummiussissut inuiaqatigiinni ingerlatat naapertuuttut tapersernissaannik pisariaqartitsinermik aallaaveqarsinnaavoq, peqatigisaanillu taakku aningaasatigut ungasissumut sammisunik anguniakkanut oqimaaqatigiisitsinermik imaqarsinnaallutik.

Uninngasuutit annikillinerat aningaasalersorniarlugu taarsigassarsinissaaq pisariaqalissappat, tamanna nunatta karsiata aningaasartuuteqarnerulerneranik nassataqassaaq. Taarsigassarsisoqassappat taanna Aningaasaqarnermut Akileraartarnermullu Ataatsimiititaliamut akuerineqartussanngorlugu saqqummiunneqassaaq.

Suliffeqarfinnut kinguneqaatit

Sulisitsisut tamarmik kingusinnerusukkut akiliinissamut periarfissaq atussappassuk, tamanna piffissap sivikitsup ingerlanerani nunatta karsiata aningaasanik atuinarianik uninngasuutaanik annikillisisissaaq. Taamaammallu nalunaaruteqarnermut atatillugu sulisitsisut inuiaqatigiinnut akisussaassutsimik takutitsinissaannik kaammattorneqassapput, aatsaallu ingerlatsinermi pisariaqartitsisoqartissagunik akiliinissamut periarfissanik sivitsukkanik atuinissamik kaammattorneqassallutik. Ingerlatseqatigiiffiit annertuut arlallit, tassani namminersorlutik oqartussat nammineq suliffeqarfiutaat amerlanerit, nappaatip siaruaanneranik annertuumik eqqugaannginnissaat ilimagineqarpoq.

Akiliinissamut piffissaliussamik kinguartitsineq annaasaqarnissamut aarlerinaammik annertunerulersitsivoq, suliffeqarfimmi akileraarutinik akitsuutinillu akilerneqanngitsunik pisortanut akiitsui annertusiartortitsisinnaapput. Suliffeqarfiit akiliisinnaajunnaassappata, tamanna pisortat annaasaqarnerannik nassataqarsinnaavoq. Annaasat taamaattut aningaasaliussutini ataasiakkaani isertitat annikinnerulernerannik kinguneqassapput. Maannakkuugallartoq tamatuma aningaasatigut kinguneriumaagai annertussusilerneqarsinnaanngikkallarput.

Tassunga atatillugu akileraarutinut akitsuutinullu akiligassat kinguartitat qanoq isumagineqarumaarnissaata eqqarsaatersuutiginnissaa pisariaqarpoq. Piffissap ikaarsaarfiup iluani suliffeqarfiit nalinginnaasumik ingerlatsilernissaasa tungaannut naafferartumik akileraarnissamik assigisaanilluunniit ingerlataqarnissaaq pisariaqarsinnaavoq. Oqaasertaliussani piginnaatitsissutikkut taaneqartukkut Naalakkersuisut utertitsilluni akiliinissat taamatut nikisinneqarnissaat pillugu aalajangiinissamut tunngavissaqartutut isigineqarput.

Suliffeqarfiit aningaasanik tiguinnarianik annertunerusunik peqalernissaat namminersorlutik inuussutissarsiortunut aningaasatigut kinguneqaataassaaq. Taamaammallu suliffeqarfiit suliat annikinnerulernerisa kingunerisaannut akiuunnissamut aningaasanik atugassaqarnerulissapput.

Attavigisat

Oqaasertaliussassatut siunnersuutigineqartoq Aningaasaqarnermut Akileraartarnermullu Ataatsimiititaliamit akuerineqassappat, Aningaasaqarnermut Aatsitassaqarnermullu Naalakkersuisoq Naalakkersuisunut piginnaatitsissutinik paasissutissiisumik tusagassiorfinnut nalunaarummik nassitsissaaq. Suliap qanoq ituunera pissutigalugu Aningaasaqarnermut Akileraartarnermullu Ataatsimiititaliami suliap nukingiuinneqarnissaa qinnutigineqarpoq.

Siuliani nassuiarneqartutut avammut nalunaaruteqarnermi namminersorlutik inuussutissarsiortut nunatsinnilu pissutsit ilungersunartuuneranni inuiaqatigiinni akisussaannermik takutitsinissamik qinnuigineqassapput.

Suliniutit allat

Pissutsit ineriartornerat ilutigalugu suliniutit arlaqarnerusut isumaliutigineqassapput. Taamaalilluni saqqummiussissut una kisartaasutut isigineqassanngilaq, suliniutilli arlallit ilaattut isigineqassalluni. Maannakut peqqinnissaqarfimmi Corona pillugu iliuuseqarnerit aningaasatigut kingunerisinnaasaasa annikinnerulersinneqarnissaat siunertaralugu saqqummiussissut suliarineqarpoq. Taamattaaq namminersortut minnerit aningaasanik tiguinnariaateqarnerannut tunngasoq isumaliutigineqarpoq. Suliniutit allat malinnaajumaassapput.

Tusarniaaneq

Saqqummiussissut manna Naalackersuisut siulitaasuata Naalackersuisoqarfianut kiisalu Inuussutissarsiornermut, Nukissiuuteqarnermut Suliffeqarnermullu Naalackersuisoqarfimmut nukingertumik tusarniutigineqarpoq.

Vittus Qujaukitsoq

/
Naalackersuisoqarfiup pisortaa Nikolai S. Christensen

Ilanngussat

Suliassaqarfik 20 – 24 Aningaasaqarnermut Naalackersuisoqarfik kiisalu akileraartarnermut Aqutsisoqarfik oqaasertaliussat nassuiaatillu

Ilanngussaq – Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik oqaasertaliussat nassuiaatillu

Aningaasaqarnermut Aatsitassanullu Naalakkersuisoq – Suliassaqarfik 20 - 24
Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut
Aqutsisoqarfik

Oqaasertaliussat tulliuttut 2020-mut ilassutissatut aningaasaliissutitut inatsisissatut siunnersuummi suliassaqarfimmut matumunnga ilanngunneqarnissaat qinnutigineqarpoq:

”Nr. 2

COVID-19-imik tunillaassuuttoqarnerata nassatarisaanik namminersorlutik inuussutissarsiortut maanna unamillernartitaannut ikiorsiinissaq siunertaralugu, inatsisini tulliuttuni akileraarutitik akitsuutinillu akiliinissamut piffissaliussat sivitsorneqarsinnaanerannik Naalakkersuisut piginnaatinneqarput:

- Aningaasarsianit akileraarutit pillugit Inatsisartut inatsissaat § 81 (akileraarutit a) aamma § 83 (akileraarutit B)
- Akileraaruserinermik ingerlatsineq pillugu Inatsisartut inatsisaat § 24 (akileraarutitut akiligassat) § 26, imm. 3 (toqoreersut akileraarutitut akiligassaat) aamma § 27 (ingerlatseqatigiiffiit akileraarutaat)
- Sulisoqarnermut akitsuut pillugu Inatsisartut inatsisaat § 6
- Nioqqutissanik eqqussuineq anissuinerlu pillugit Inatsisartut inatsisaat § 22 (nioqqutissanik eqqussuineq pillugu Inatsisartut inatsisaat naapertorlugu akitsuutit)
- Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat § 10
- Kalaallit Nunaanni aalisarnermi pizarineqartut isumalluutitik atuinerlutik akitsuutaat pillugit Inatsisartut inatsisaat § 12 (akitsuummik akiliineq) § 13 (isumalluutitik iluaquteqarneri akitsuut)
- Aningaasanik ikisilluni pinnguaatitut akileraarut pillugu Inatsisartut inatsisaat § 11
- Nukissiornermi ikummatissat avatangiisinut akitsuutaat pillugu Inatsisartut inatsisaat § 10

Naalakkersuisut kommunitik isumaqatiginninniarnernik ingerlatsereerlutik namminersorlutik inuussutissarsiortut akileraarutitik A-nik akiliinissamik piffissaliussaasa killiussaasa assinganik kommunitut akileraarutitik A-nik ingerlatitseqqinnissap kinguartitsisinnaanermik piginnaatinneqarput.

Akileraarutit akitsuutillu akilerneqarnissaasa sivitsukkat qaqugu akilerneqarnissaannut aalajangiinissamut Naalakkersuisut piginnaatinneqarput, tassani akileraarutit akitsuutillu taakku piffissami pineqartumi ernialersorneqannginnissaannik aalajangiineq ilanngullugu. Taamattaq akileraarutit akitsuutillu akilerneqarnissaannut sivitsukkanut ilaasunut akileraanissamut atugassarititaasunik erseqqinnerusumik aalajangersaanissamut Naalakkersuisut piginnaatinneqarput.

Ilanngussaq – Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik oqaasertaliussat nassuiaatillu

Nr. 3

Aalajangersakkani tulliuuttuni akiliinissamut killiliussat sivitsorneqarnissaannut Naalakkersuisut piginnaatinneqarput:

- Akileraaruserinermik ingerlatsineq pillugu Inatsisartut inatsisaanni § 16 (namminneerluni nalunaarsuineq), § 20 (eqimattanut erseqqinnerusumik aalajangikkanut nammineerluni nalunaarsuinissamut piffissaq killiliussaq) aamma § 21 (akileraarutissanik naatsorsuineq), § 24, imm. 3 (akileraarutininut akiligassanut akiliinissamut piffissaliussat), § 25, imm. 4 (akileraarutininut akiligassanut akiliinissamut piffissaliussat), § 25, imm. 5 aamma 6 (akileraarutininut akiligassanut ernialiussat),
- Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni § 7 (ukiumoortumik naatsorsuineq)”

Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik nassuiaatit

2020-mut ilassutissatut aningaasaliissutinut inatsisissatut siunnersuummi oqaasertaliussanut nassuiaatit tulliuuttut suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik ivertinneqarnissaat qinnutigineqarpoq:

”Nr. 2

Akileraarutit akitsuutillu ilaasa akilerneqarnissaannut killiliussanik kinguartitsisinnanermut Naalakkersuisut piginnaatinneqarnissaannik oqaasertaliussat siullertut siunertaqarput. Taamaalillutik COVID-19-ip, aamma Coronavirusitut ilisimaneqartup siaruaanneranut atatillugu aningaasaqarnikkut unamillernartunik namminersorlutik inuussutissarsiortunut Naalakkersuisut ikiorsiisinnaassapput. Akiliinissamut killissarititaasunik sivitsuinerit suliffeqarfiit aningaasanik tigorianaanaataannik nukittorsaannissaannut periarfissiisaaq, taamaalillutillu nappaatip siaruaannerata nassatarisaanik aningaasatigut kinguneqaatit iliuseqarfigineqarnissaannut periarfissagissaarnerulissallutik.

Suliniutit suut pisariaqartinneqarnerannik oqaloqatiginninnissaq siunertaralugu Naalakkersuisut sulisartoqarnermi illuatungeriinnut saaffiginninnissartik naatsorsuutigaat. Pingaarnermik Aningaasarsianik akileraarutit pillugit Inatsisartut inatsisaanni § 81 naapertorlugu akileraarutit A-t akilerneqarnissaannut killiliussat sivitsorneqarnissaat naapertuutissasoq naatsorsuutigineqarpoq.

Nappaat nunani allani sukkasuumik siaruaakkiartorpoq, taamaammallu maleruagassat nalimmassaqqinneqarnissaat pisariaqarsinnaavoq.

Piginnaatitsissut ingerlatseqatigiiffinnut namminersorlutillu inuussutissarsiortunut akiliinissamut piffissaliussanut attuumassuteqarpoq.

Kalaallit Nunaanni namminersorlutik inuussutissarsiutinik ingerlatsiviit tamarmik nappaatip siaruaanneranik sunnerneqarnissaat imaluunniit assigiimmik sunnerneqarnissaat ilimagineqanngilaq.

Ilanngussaq – Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik oqaasertaliussat nassuiaatillu

Ingammik timmisartuussisartut, takomariartitsisut, hotelit neriniartarfiillu nappaatip siaruaannerani sunnerneqarnissamik aarlerinartorsiussasut ilimagineqarpoq. Kinguartitsinerilli suliffeqarfinnut inuussutissarsiutinulluunniit aalajangersimasunut killilernissaat pisinnaangilaq.

Tamanna apeqqutaatinnagu inuussutissarsiutinik ingerlatsisut annertunerusumik nappaatip siaruaanneranik eqqorneqanngitsut inuiaqatigiinnut akisussaannermik takutitsinissaannik akiliinissamullu periarfissamik sivitsuinermik atuinnginnissaannik kaammattorneqarput. Tamanna ingammik suliffeqarfissuarnut sammitinneqarpoq, tassani ingerlatseqatigiiffiit namminersorlutik oqartussanit kommuninillu pigineqartut ilanngullugit. Akiliinissamut piffissaliussamik atuisut ikinnerutillugit isumalluutit annertunerusut namminersorlutik oqartussat suliffeqarfinnut nappaatip siaruaannerani sakkortunerpaamik eqqorneqartunut atorsinnaassavaat, taamaalillutillu isumalluutinik assersuutigalugu peqqinnissaqarfiup suliniuteqarneranut atugassanik atugassiinnaassallutik.

Aappassaattut oqaasertaliussat nunatta karsiata kommuninut akileraarutinik ingerlatitseqqinnissamut killiliussamik kinguartitsinnaanermut Naalakkersuisunut piginnaatitsipput. Kommunit inuit akileraarutaannit iluanaarutit ilaannik pissarsisarput.

Pingajussaattut oqaasertaliussat, akileraarutinik akitsuutinillu sivitsornikunik akilersuineq pillugu akilersuinissamut piffissaliinissamik Naalakkersuisunut piginnaatitsipput. Assersuutigalugu piginnaatitsissut aqutigalugu aningaasat akiligassat qaammatini il.il. aalajangersimasuni akilersorneqarsinnaanerannut aalajangersaanermut atorneqarsinnaavoq. Tamatuma saniatigut atugassarititatut aalajangikkat malinneqarneranni akilersugassat piffissami ernialersorneqannginnissaannik Naalakkersuisut aalajangersaasinnaapput.

Nunatta karsiata kommuninut akileraarutinik ingerlatitseqqinnissaanut piffissaliussaq sivitsorneqanngippat, suliniutip aningaasatigut tigoriaannaat nunatta karsianit taamaallaat nammanneqarnissaat nassatarissavaa. Tamanna nunatta karsiata aningaasanik tigoriaannaataasa naapertuutinngitsumik artorsaatissinneqarnerannik kinguneqassaaq. Aappaatigut kommunit aningaasaqarnerat naapertuuttumik isiginiarneqassaaq, tassani inuussutissarsiutit ilaanni sulisorineqartut ikiliartorerisa nassatarisaannik kommunit isumaginninnikkut ikiorsiissutinik aningaasartuuteqarnerulernissaannik ilimagisaqarneq ilanngullugu.

Akiliinissat kinguartinneqarnerisa nassatarisaannik kommunit namminersorlutik oqartussanik isumaqatiginninniarnepup kingorna, akiliinnaassuseqarnerup illuarterneranut ilaatigut pisussaaffilerneqarsinnaanerata oqaasertaliussat nassataraat. Akiliiffissamut piffissaliussat suut kinguartinneqarnissaat pillugu suli aalajangertoqannginnerata nassatarisaannik aalajangersagaq taamatut isikkoqartinneqarpoq. Aalajangersakkap oqaasertalerneqarnerata malitsigisaannik akiliinissamut il.il. piffissaliussanik kinguartitsinerup taassuma iluanaarutinik kommuninut nakkartinneqartussanut annertoqatigiissinneqarnissaa malitsigissavaa.

Ilanngussaq – Suliassaqqarfik 20 – 24 Aningaasaqarnermut Naalakkersuisoqqarfik kiisalu Akileraartarnermut Aqutsisoqqarfik oqaasertaliussat nassuiaatillu

2020-mi kommuninut akileraarutinik ingerlatsitseqqinnissat ilaatigut akileraaruserinermik ingerlatsineq pillugu Inatsisartut inatsisaanni, 2020-mi akileraarutitigut naligiissaarnissaq aamma kommuninut ataatsimut akileraarutip agguataarneqarnissaa pillugu Namminersorlutik Oqartussat nalunaarutaat nr. 12, 9 oktober 2012-imeersoq, siumoortumik nalunaarsuineq, nammineerluni nalunaarsuineq akileraarutinillu akiliineq pilugu nalunaarut nr 7, 30. marts 2020-meersukkut ilaatigut aalajangersarneqarput.

Oqaasertaliussat aallaavittut missingersuutitigut oqimaaqatigiipput. Nunatta karsiata aningasaanik tigorianaannarnik imakinnerulernera oqaasertaliussat nassatarisinnaavaat. Nunatta karsiata aningaasanik tigorianaannaatikinnerulernera kinguneqaatit nunattalu karsia apeqqutaatillugit sipaaruteqqarnernik aningaasartuuteqqarnerunernilluunniit nassataqarsinnaavoq. Aningaasat tigorianaanaat ikilinerat aningaasanik ullumikkut killormut ernialersukkanik aningaasalersomeqqarpat sipaarutit pilersinnaapput. Aningaasat tigorianaanaat annikinnerulernerat aningaasalersorniarlugu aningaasanik taarsigassiinissaq pisariaalissappat, tamanna nunatta karsiata aningaasartuuteqqarneruneranik nassataassaaq. Taarsigassarsinnaaneq Aningaasaqarnermut Akileraartarnermullu Ataatsimiititaliamut akuerisassanngorlugi saqqummiunneqassaaq.

Oqaasertaliussaq manna ilassutitut aningaasaliissutissatut sulianut allanut, COVID-19-ip siaruaanneranut atatillugu immikkut suliniutinik il.il. ingelatsiviusunut, tamarmillu nunatta karsiata aningaasanik tigorianaanaat ikinnerulerneranik nassataqartunut ataqatigiissillugu isigineqassaaq.

Nunatta karsiata aningaasat tigorianaanaatai aarlerinartumik inissisimalissappata taarsigassarsinissap pisariaqalernera allatulluunniit nunatta karsiata naammattumik aningaasanik tigorianaanaateqqarnissaata qulakkeernissaa pisariaqalissavoq. Taarsigassarsinissaq pisariaqalissappat, Aningaasaqarnermut Akileraartarnermullu Ataatsimiititaliamut imikkut ilassutitut aningasaliinissamik qinnuteqaammik saqqummiussisoqassaaq.

Oqaasertaliussat akileraarutitigut akitsuutitigullu annaasat qaffannerannik nassataqarsinnaapput. Maannakkuugallartoq annaasat qanoq annertussuseqqarnissaat missingerneqqarsinnaanngilaq, matumanimi akiliinissamut piffissaliussat sorliit sivitsorneqqarnissaat, sivitsuinerit siviussusissaat, ingammik inuussutissarsiutit sorliit eqqorneqqarnerat il.il. apeqqutaajumaassammata.

Akiliinissamut piffissaliussat allanngortinneqqarnerisa aningaasanik tigorianaannanut sunniutai pillugit ilisimatitsissumik Naalakkersuisut Aningaasaqarnermut Akileraartarnermullu Ataatsimiititaliamut ilisimatitsissuteqassapput.

Oqaasertaliussaq nutaajuvoq.

Ilanngussaq – Suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik oqaasertaliussat nassuiaatillu

Oqaasertaliussat nammineerluni nalunaarsuinermit, akileraarutissanik naatsorsuinermit, inaarutaasumik naatsorsuinermit kiisalu ukiup siuliani soraarnerussutisianut katersivinnut akiliutinik ukiumut naatsorsukkanik nassitsinermit piffissaliussat kinguartinnissaanni Naalakkersuisut piginnaatinneqarnissaannik siunertaqarput.

COVID-19 siaruaatilerpat Akileraartarnermut Aqutsisoqarfimmi naapertuuttumik ingerlatsinissap eqqarsaatigineqarnera matumani siunertarineqarpoq.

Piginnaatitsissut akileraarusiisarnermik ingerlatsineq pillugu Inatsisartut inatsisaanni § 16, § 20, § 21, § 24, imm. 3, § 25, imm. 4 aamma § 25, imm. 5 aamma 6-imi piffissaliussatut aalajangersakkanut tunngavoq.

Taamattaq piginnaatitsisut Soraarnerussutisiaqalernissamut aaqqissuussinermit peqataasussaataaneq pillugu Inatsisartut inatsisaanni § 7-mi piffissaliussamut tunngavoq. Aalajangersagaq taanna naapertorlugu akileraartarnermut ingerlatsivik kingusinnerpaamik ulloq 31. august, ukiup siuliani inuup inatsit naapertorlugu soraarnerussutisianut katersaanut minnerpaamik akilerneqartussanik akiliisimanageranik naatsorsuusiussaaq.

Oqaasertaliussat nutaajupput.

Aningasaqarnermut Akileraartarnermullu Ataatsimiititaliap ulloq xx-yy-2020 ataatsimiinnerani suliaq nr. 20-xxx akuerineqarpoq.



INATSISARTUT

Ilanngussaq
Bilag
Ilanngussaq
Bilag

D-1

**Aningaasaqarnermut Aatsitassanullu
Naalakkersuisoq**

Ulloq: 20. marts 2020
J.nr.: 01.31.06/20-00869/ 870/ 871

**Aningaasaqarnermut Akileraartarnermullu Ataatsimiititaliap sisamanngornermi
ulloq 19. marts 2020-mi aalajangiineranik Naalakkersuisunut ilisimatitsineq.**

**Aningaasarsiaqartunut ikiorsiissutitut katersat – Suliaq nr. 01.31.06/20 – 00869 –
Nukinginnartoq**

Naalakkersuisut **inassutigaaat:**

- 2020-mut tapiliutitut aningaasaliissutininut inatsisissatut siunnersuummi konto pingaarneq nutaaq 64.40.08 Coronavirusi (COVID-19) tunngavigalugu suliffeqarfimmu ikiorsiissutitut katersat ilanngunneqassasoq, tassani ilanngussatut ilanngunneqartut konto pingaarnermut missingersuutininut ilanngussat najoqqutaralugit aningaasaliissutit 107 mio. kr.-ussallutik, aamma
- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.40.08 Coronavirusi (COVID-19) tunngavigalugu suliffeqarfimmu ikiorsiissutitut katersanut oqaasertaliussaq nr. 1 ilanngunneqassasoq”

**Inuussutissarsiorfimmu ikiorsiissutitut katersat – Suliaq nr. 01.31.06/20 – 00870 –
Nukinginnartoq**

Naalakkersuisut **inassutigaaat:**

- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartut konto pingaarnermut missingersuutininut ilanngussat najoqqutaralugu 150 mio. kr.-nik aningaasaliissummik ilanngussiffigisamik konto pingaarneq 64.10.35 Coronavirusi (COVID-19) tunngavigalugu inuussutissarsiorfimmu ikiorsiissutitut katersat nutaaq ilanngunneqassasoq, aamma
- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmu ikiorsiissutitut katersani oqaasertaliussaq nr. 1 ilanngunneqassasoq”

**Coronaviruseqarneranut atatillugu akileraarutininut akitsuutinullu imikkut ittumik
iliuuseqarnissamut piginnaatitsissummik ilassutissatut aningaasaliissutininut qinnute-
qaat – Suliaq nr. 01.31.06/20 – 00871 – Nukinginnartoq**

Naalakkersuisut **inassutigaaat:**

- 2020-mut ilassutissatut aningaasaliissutininut inatsisissatut siunnersuummi suliassaqarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik ilanngussaq naapertorlugu oqaasertaliussat nr. 2 aamma 3 ilanngunneqassasut”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Inassuteqaatit siuliani allassimasut pillugit aalajangiinini allakkami ataatsimi nalunaarutigissallugu ataatsimiititaliap toqqarppaa.

Apeqqut 1:

Aningaasarsianut taarsissuteqarnissamik ikiorsiinermi sulisartut najugaqavissut Kalaallit Nunaanni najugaqartutut nalunaarsorneqarsimasut salliutillugit isiginiarneqassasut Naalakkersuisunut Aningaasaqarnermut Akileraartarnermullu Ataatsimiititaliamit kaammattutiginerpoq.

Apeqqut 2:

Suliffeqarfiit assersuutigalugu qulinik taakkunanngaluunniit ikinnernik sulisoqartut sulianut ukununnga ilaatinneqassappat? Suliffeqarfiit sulisorisamik minnerpaamik 30 %-iinik imaluunniit sulisunik 25-ini amerlanerusunik soraarsitsinissamik ilimasaarisussanngortut aaq-qissuussineq aqutigalugu aningaasarsianut taarsissutinik pissarsisinaanerannik Naalakkersuisut oqaaseqaataat ataatsimiititaliamit innersuussutiginerpoq.

Apeqqut 3:

Ilinniartorpassuit saniatigut suliffeqartut suliassani matumani pineqartuni qanoq inissisimassappat?

Ulluni makkunani ilungersunartorsiorfitsinni ilinniartut saniatigut suliffillit eqqornerlunneqannginnissaat Naalakkersuisunit eqqumaffigineqassasoq ataatsimiititaliamit kaammattutiginerpoq.

Apeqqut 4:

Suliani matumani pineqartuni siunertaanngitsumik inatsisinut allanut akerliusumik aalajangiisoqarnissaata pinngitsoortinneqarnissaa Naalakkersuisunit qulakkeerneqarsimassasoq Aningaasaqarnermut Akileraartarnermullu Ataatsimiititaliamit naatsorsuutigineqarlunnarpoq. Tamatumani pineqarput missingersuutit pillugit inatsit inatsisillu allat, taakkunanngalu ilanngullugit Inatsisartut Naalakkersuisullu oqartussaaffii pillugit inatsisit. Allaallumi Naalakkersuisunit qulakkeerneqarsimassasoq ajornartoormi inatsisiliornissamut Inatsisartunik immikkut ittumik aggersaanertaqanngitsumik suliart matumani pineqartut sularineqarsinnaanerart, taamaattumillu suliart Aningaasaqarnermut Akileraartarnermullu Ataatsimiititaliamut suliassanngorlugit nassiunneqartut.

Apeqqut 5:

Nunatta karsiata aningaasaataasa tigorianaat ulorianartorsiorinneqalinnginnissaat Naalakkersuisunit qanoq qulakkeerneqalersaarpa? Nunatta karsiata aningaasaataanik tigorianaanarnik ikilisitsineq sanaartugassanut iluarsagassanullu aningaasaateqarfimmut aningaasaliussanut sumniuteqannginnissaa Naalakkersuisunit qanoq qulakkeerneqalersaarpa? Sanaartugassanut Iluarsagassanullu Aningaasaateqarfimmi aningaasat siunertanut aalajangersimasunut immikkoortitat atorneqarnialissagaluarpata Naalakkersuisut ataatsimiititaliaq aqqusaappaassagaat ataatsimiititaliamit ersarissumik kissaatiginerpoq.

Apeqquut 6:

Suliani matumani pineqartuni nalunaarneqartunit amerlanerusunik aningaasaliissuteqartoqarnissaa pisariaqartinneqassappat Naalakkersuisut qanoq isummissappat? Assersuutigalugu aningaasarsiaqartunut ikiorsiissutitut katersat pillugit suliami Naalakkersuisut naatsorsuutigaat suliffissaaleqisut 20 %-inik amerleriassasut. Assersuutigalugu suliffissaaleqisut 30 %-inik amerleriarpata qanoq pisoqassava?

Apeqquut 7:

Ajornartorsiut Nuup avataanut siaruaattoq paasinarsippat Naalakkersuisut qanoq isummissappat?

Apeqquut 8:

Sulisut katersatik atorlugit sulinngiffeqarnissaat imaluunniit feeriarnissaat pinngitsoorani piumasqaataava? Inuimmi feeriassanik katersisimanngitsut?

Apeqquut 9:

Suliffeqarfiit aallarteqqammersut ingerlataqarsimanermillu kingumut takussutissaateqanngitsut (kaaviiartitanik imaluunniit aningaasarsianik tunniussinernik) suliani matumani pineqartuni qanoq inissisimassappat?

Apeqquut 10:

Suliaqarfeqarpa aqqissuussinerni ilaatinneqartussaannngitsunik, taamaassimappat sooq? Kulturikkut ingerlatat aqqissuussinermut ilanngunneqarnissaat aammalu piffissap imaalinerani mattussisoqariinnginnissaa Naalakkersuisunut kaammattuutigineqarpoq. Ataatsimiititaliap kaammattuutigaa makku aamma puiorneqassanngitsut; atisaarniarfiit, kulturerisut, nujaleriffiit, kiffartuussinermik suliaqartut, suliffeqarfeqqat il.il.

Ataatsimiititaliamittaaq kissaatigineqarpoq aqqissuussinerit suliani pineqartuni suliarineqartut inuussutissarsiornermi immikkoortunut aalajangersimasunut taamaallaat atuutissanngitsoq, aqqissuussinerli tamarmiisoq kattuffiit suleqatigilluarlugit eqaatsumik suliarineqassasoq, taamaaliornikkut massakkoqiissaaq kingusinnerusukkulluunniit pisariaqartitsisut ikiorsiissutinik iluaquserneqarsinnaaqullugit.

Apeqquut 11:

Sulianut matumani pineqartunut atatillugu suliffeqarfinnut pisortanullu allaffissornermik annertuallaamik pilersitsinissaq sapinngisamik pinngitsoortinniarneqassasoq ataatsimiititaliamit kaammattuutigineqarpoq.

Apeqquut 12:

Aningaasarsiaqartunut ikiorsiissutit aamma inuussutissarsiorfimmuut ikiorsiissutit pillugit sulianut tunngatillugu oqaasertaliussani avataani suleqatigisanut allaffissornermik ingerlat-sinissamut isumaqatigiissuteqarnissamut Naalakkersuisut piginnaatinneqarnerannik allas-simasut itisilerneqarnissaat ataatsimiititaliamit kissaatigineqarpoq.

Apeqquut 13:

Suliat ingerlanerat pillugu ingerlaavartumik ilisimatinneqarnissani Aningaasaqarnermut Akileraartarnermullu Ataatsimiititaliap kissaatigaa. Tamanna akuttunngitsumik pisariaqarpoq minnerpaamillu ullut 14-ikkaarlugit imaluunniit naatsorsuutigineqanngitsumik pisoqartillugu.

Apeqquut 14:

Suliami matumani Inatsisartut akuutinneqartariaqaraluartut Naalakkersuisut naliliippat aammalu tamanna qanoq ingerlanneqassagaluarpa?

Apeqquut 15:

Ungasinnerusoq isigalugu kingunerisassat pillugit Naalakkersuisut qanoq eqqarsaater-suuteqarpat aammalu Naalakkersuisut allanik ilassutissaqarpat?

Ataatsimiititaliami ikinnerussuteqartoq Partii Naleqqap ilaasortaataa ikinnerussuteqarluni oqaaseqarnissamik kissaateqarpoq, taannalu tiguneqarniariarpat allakkamut uunga malinnaatillugu nassiunneqarumaarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliami **amerlanerussuteqartunit akuersissutigineqarput**. Maanna ilungersunartorsiornitsinni sulineranut angusaqarusussuseqarluni peqataanissamut amerlanerussuteqartut suli piareersimapput.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Aningaasaqarnermut Aatsitassanullu Naalakkersuisoq

Ulloq: 20. marts 2020
J.nr.: 01.31.06/20-00869/ 870/ 871

Aningaasaqarnermut Akileraartarnermullu Ataatsimiititaliap sisamangornermi ulloq 19. marts 2020-mi aalajangiineranik Naalakkersuisunut ilisimatitsineq.

Aningaasarsiaqartunut ikiorsiissutitut katersat – Suliaq nr. 01.31.06/20 – 00869 – Nukinginnartoq

Naalakkersuisut inassutigaaat:

- 2020-mut tapiliutitut aningaasaliissutitut inatsisissatut siunnersuummi konto pingaarneq nutaaq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersat ilanngunneqassasoq, tassani ilanngussatut ilanngunneqartutut konto pingaarnermut missingersuutitut ilanngussat najoqqutaralugit aningaasaliissutit 107 mio. kr.-ussallutik, aamma
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersanut oqaasertaliussa q nr. 1 ilanngunneqassasoq”

Inuussutissarsiorfimmu ikiorsiissutitut katersat – Suliaq nr. 01.31.06/20 – 00870 – Nukinginnartoq

Naalakkersuisut inassutigaaat:

- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartutut konto pingaarnermut missingersuutitut ilanngussat najoqqutaralugu 150 mio. kr.-nik aningaasaliissummik ilanngussiffigisamik konto pingaarneq 64.10.35 Coronavirusi (COVID-19) tunngavigalugu inuussutissarsiorfimmu ikiorsiissutitut katersat nutaaq ilanngunneqassasoq, aamma
- 2020-mut tapiliutitut aningaasaliissutitut inatsisissatut siunnersuummi ilanngussatut ilanngunneqartoq najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmu ikiorsiissutitut katersani oqaasertaliussa q nr. 1 ilanngunneqassasoq”

Coronaviruseqarneranut atatillugu akileraarutitut akitsuutinullu imikkut ittumik iliuseqarnissamut piginnaatitsissummik ilassutissatut aningaasaliissutitut qinnute- qaat – Suliaq nr. 01.31.06/20 – 00871 – Nukinginnartoq

Naalakkersuisut inassutigaaat:

- 2020-mut ilassutissatut aningaasaliissutitut inatsisissatut siunnersuummi suliassa-
qarfik 20 – 24 Aningaasaqarnermut Naalakkersuisoqarfik kiisalu Akileraartar-
nermut Aqutsisoqarfik ilanngussa q naapertorlugu oqaasertaliussat nr. 2 aamma 3
ilanngunneqassasut”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Naalakkersuisut inassuteqaataannik ataatsimiititaliami amerlanerussuteqartut akuersinerannik imaqartumik suliaq pillugu ataatsimiititaliap aalajangiineranut malitseqartitsissutitut ikinnerussuteqarluni oqaaseqaat utaqqineqartoq matumuuna nassiunneqarpoq.

Ataatsimiititaliami ikinnerussuteqartoq Partii Naleqqap ilaasortaaitaa ikinnerussuteqarluni ima oqaaseqaateqarumavoq:

"Ajornartorsiornerup Covid-19 pissutigalugu nunarsuarmi tamarmi aqqusaarneqartup nunatsinnit anigorneqarnissaanut ikiuukkusinnerput Partii Naleqqamit ersarissumik nalunaarutigereerparput.

Ajoraluartumilli uani qinnuteqaammi periuserineqartartoq malinneqaannarpoq, tassa politikikkut inissisimaneq akimorlugu akuutitsisoqaranilu nunarsuaq tamakkerlugu nappaalasoqarnerata pimoorunneqarneranut takussutissaqarani.

Apeqqut tassatuaanngilaq piffissami aggersumi 1, 2 imaluunniit 3 mia.-tit atorneqassanersut. Aammali apeqqut tassaavoq aningaasat sumit tiguneqassanersut. Ataqqinaatisaannartut suliniutit sorliit unitsinneqassappat aammalu Covid-19-ip inuiaqatigiit matuneqarnerannik pisariaqartitsiffiujunnaarluni ulorianartorsiortitsiunnaanerata kingorna ajornartorsiornerup ingerlaannannginnissaa qanoq qulakkeerneqassava?

Teknikikkut suliallit pikkorissut kaammattuutaasa maliinnarneqarnissaannut apeqqut tunngaannanngilaq, aammali tassaalluni naalakkersuinikkut akisussaaffimmik tigusi- nissaq piffissaagallartillugulu eqqortumik iliuuseqarnissaq. Tamanna kingusinaariin- nginnersoq immaqa oqallisigineqarsinnaavoq, Parti Nalerarli suli isumaqarpoq ajor- nartorsiorneq aningaasaqarnikkut kinguneqartoq taama imaannaanngitsigisoq anin- gaasanut inatsisip naleqqussarneqarnissaanik pisariaqartitsisoq. Naleqqussaanermi kikkut tamarmik akuersillutik taasiinnarnatik, taassumali suliari- neqarnerani peqataanissaat pisariaqartinneqarpoq.

Qinnuteqaammut matumunnga akuersinikkut ajornartorsiornermik aammalu tamat oqartussaaqataanerannik aaqqissuusaanerannik, allannguinissat pisariaqartut inger- lanneqarsinnaanerat aammalu innuttatta ajornartorsiornermit annikinnerpaamik eqqorneqarnissaannut iliuuseqarnissaq siunertaralugu aaqqissuunneqarsimasumik, pimoorussinnginneruvoq"

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Uunga: Inatsisartut Aningaasaqarnermut Akileraartarnermullu Ataatsimiititaliaat
Att: Sakarias Amundsen

Aningaasaqarnermut Akileraartarnermullu Ataatsimiititaliamit coronamut tunngatillugu ilassutitut aningaasaliissutit (IA) 869, 870 aamma 871 pillugit apeqqutinut akissuteqaat

Allakkap ullulemnera: 03-04-
2020
Suliap normua 2020 - 6077
All. id. 13405059

Allakkami matumani COVID-19-ip kingunerisaanik ilassutitut aningaasaliissutini 869-imi, 970-imi aamma 871-imi aningaasatigut ikiorsiissutitut tunngasut suliarineqarneranni apeqqutit Aningaasaqarnermut Akileraartarnermullu Ataatsimiititaliamit saqqummiunneqartut akissuteqarfigineqarput.

P.O. Box 1037
3900 Nuuk
Oqarasuaat Oqarasuaat (+299)
34 50 00
Allakkaasuaat (+299) 34 63 50
E-mail: oed@nanoq.gl
www.naalakkersuisut.gl

Apeqqu 1:

Aningaasarsianut taarsissuteqarnissamik ikiorsiinnermi sulisartut najugaqavissut Kalaallit Nunaanni najugaqartutut nalunaarsorneqarsimasut salliutillugit isiginiarneqassasut Naalakkersuisunut Aningaasaqarnermut Akileraartarnermullu Ataatsimiititaliamit kaammattuutigineqarpoq.

Akissut:

Kalaallit Nunaanni suliffeqarfinnut COVID-19-imik pisup kingunerisaanik soraarsitsinngitsunut angerlartitsiinnartunullu aningaasarsiaqartitsinermut aningaasartuutitut taarsiissutissatut 107 mio. kr.-t immikkoortinneqarnikuupput.

Suliffeqarfiit sulisorisamik minnerpaamik 30 pct.-iinik imaluunniit sulisunik 25-nit amerlanerusunik soraarsitsisussanngortut aaqqissuussineq aqqutigalugu killiliussat tullinnguuttut aallaavigalugit akissarsianut aningaasartuutitut taarsiivigineqarsinnaapput:

- Suliffeqarfik sulisunik soraarsitsinani angerlartitsiinnarpat akissarsiatigut sulisup pineqartup akissarsiaata 75 pct.-ii annerpaamilli sulisumut ataatsimut qaammammut 20.190 kr.-t taarserneqassapput.
- Suliffeqarfik sivisunerpaamik qaammatini pingasuni ullorlu 30. juni 2020 tikillugu akissarsianut taarsiivigitissinnaavoq. Akissarsianut taarsiissutissat sulisitsisup sulisunik sulilersitseqqinnerani taamaatitsissapput.

Apeqqu inuussutissarsiornermut suliassaqarfimmit akineqarpoq.

Apeqqu 2:

Suliffeqarfiit assersuutigalugu qulinik taakkunanngaluunniit ikinnermik sulisoqartut sulianut ukununnga ilaatinneqassappat? Suliffeqarfiit sulisorisamik minnerpaamik 30 %-iinik imaluunniit sulisunik 25-inik amerlanerusunik soraarsitsinissamik ilimasaarisussanngortut aaqqissuussineq aqqutigalugu aningaasarsianut taarsissutitinnik pissarsisinnaanerannik Naalakkersuisut oqaaseqaataat ataatsimiititaliamit innersuussutigineqarpoq.

Akissut:

Aap, suliffeqarfiit qulinit ikinnerusunik sulisullit ilaatinneqassapput. Suliffeqarfik pingasunik sulisoqarpat assersuutigalugulu sulisunik ataatsimik angerlartitsippat sulisut

33,33%-ii angerlartinneqarsimassapput matumanilu ilaatinneqassapput. Apeqqut inuussutissarsiornermut suliassaqarfimmit akineqarpoq.

Apeqqut 3:

Ilinniartorpassuit saniatigut suliffeqartut suliassani matumani pineqartuni qanoq inissisimassappat? Ulluni makkunani ilungersunartorsiorfitsinni ilinniartut saniatigut suliffillit eqqornerlunneqannginnissaat Naalakkersuisunit eqqumaffigineqassasoq ataatsimiititaliamit kaammattuutigineqarpoq.

Akissut: Aalajangersimasumik atorfillit tamarmik aaqjissuussinermit ilaatinneqarsinnaapput. Apeqqut inuussutissarsiornermut suliassaqarfimmit akineqarpoq.

Apeqqut 4:

Suliani matumani pineqartuni siunertaanngitsumik inatsisinut allanut akerliusumik aalajangiisoqarnissaata pinngitsoortinneqarnissaa Naalakkersuisunit qulakkeerneqarsimassasoq Aningaasaqarnermut Akileraartarnermullu Ataatsimiititaliamit naatsorsuutigineqarluinnarpoq. Tamatumani pineqarput missingersuutit pillugit inatsit inatsisillu allat, taakkununggalu ilanngullugit Inatsisartut Naalakkersuisullu oqartussaaffii pillugit inatsisit. Allaallumi Naalakkersuisunit qulakkeerneqarsimassasoq ajornartoornermi inatsisiliornissamut Inatsisartunik immikkut ittumik aggersaanertaqanngitsumik suliat matumani pineqartut suliarineqarsinnaanerat, taamaattumillu suliat Aningaasaqarnermut Akileraartarnermullu Ataatsimiititaliamut suliassanngorlugit nassiunneqartut.

Akissut: Missingersuutininik oqimaaqatigiissitsineq il.il. pillugit inatsimmi aalajangersakkat pissutsinik immikkut illuinnartumik pisoqartillugu saneqqunneqarsinnaanerat missingersuutininut inatsimmi sillimaffigineqareerpoq. Pissutsit immikkut illuinnartut qanoq paasisariaqarnermut inatsimmi § 3 imm. 2-mi nassuiarneqarput. Oqaatsit issuaqqissaakkat: "Pissutsit immikkut illuinnartut tassaapput pisut nalinginnaasuunngitsut Namminersorlutik Oqartussat nakkutigisinnaanngisaat aamma pisortat aningaasaqarnerannut tamarmiusumut pingaaruteqarluinnartumik sunniuteqartartut imaluunniit piffissat ilaanni aningaasaqarnikkut annertuumik kinguariatitsisartut." Taamaattumik COVID-19-imik maannakkorpiaq pisoq inatsimmi oqimaaqatigiissitsinissamut nalinginnaasumik piunasaqaammik saneqqussinissamut siunniunneqarsimasumik eqquutitsisoq nalilerneqarpoq. Tamakkiisumik paasinninnissaq eqqarsaatigalugu oqaatigineqassaaq, oqimaaqatigiissitsinissamik piunasaqaat § 50, inatsisartut inatsisaata 28. november 2018-imeersup 31. december 2021-p tungaanut allanngortinneqarneratigut ikkunneqartoq naapertorlugu atorunnaarsikkallarneqarpoq.

Apeqqut 5:

Nunatta karsiata aningaasaataasa tigorianaanaat ulorianartorsiorinneqalinnginnissaat Naalakkersuisunit qanoq qulakkeerneqalersaarpa? Nunatta karsiata aningaasaataanik tigorianaannarnik ikilisitsineq sanaartugassanut iluarsagassanullu aningaasaateqarfimmut aningaasaliussanut sunniuteqannginnissaa Naalakkersuisunit qanoq qulakkeerneqalersaarpa? Sanaartugassanut iluarsagassanullu Aningaasaateqarfimmi aningaasat siunertanut aalajangersimasunut immikkoortitat atorneqarnialissagaluarpata Naalakkersuisut ataatsimiititaliaq aqqusaqqeassagaat ataatsimiititaliamit ersarissumik kissaatigineqarpoq.

Akissut: Naalakkersuisut akiliisinnaassutsip ineriartornera qanimut malinnaavigaat. Akiliisinnaassutsip qulakkeersimanissaa Namminersorlutik Oqartussat suliassaminnik

isumaginninnissaannut pingaaruteqarluinnarpoq. Aningaasatigut ikiorsiissutit assigiinngitsut COVID-19-illu kingunerisaanik Namminersorlutik Oqartussat akiliisinnaassusaat soorunami sunnerneqarpoq. Taamaattumik nutaamik taarsigassarsinissamik pisariaqartitsilerumaarneq avaqqunneqarsinnaanngilaq, soorluttaaq COVID-19-imut tunngatillugu suliniummut aningaasanik atugassanngortitsinissaq siunertaralugu 2020-mut aningaasanut inatsisip misissornissaa pisariaqalersinnaasoq. Taamaattumik Naalackersuisut Sanaartugassanut lluarsagassanullu Aningaasaateqarfiup suliniutinut aallartinneqarsimanngitsunut – aamma nunami maani suliffeqartitsinermut annertuumik sunniuteqartussaannngitsunut immikkoortitaanik misissuisariaqarnissartik avaqqussinnaanngilaat.

Naalackersuisut akiliisinnaassutsiminnik aqutsinerminni periarfissat assigiinngitsut soorunami aallaavigisarpaat. Nappaalanersuaq tamatumalu kingunerisaanik inuiaqatigiinnut kingunerit qanoq sakkortutigiumaarnersut annertutigiumaarnersullu pisoq naapertorlugu soorunami oqaatigineqarsinnaanngillat. Suliniutigineqartut pisumik aasap tungaanut sunniuteqaratartussamik aqutsinissamik siunertaqarput. Naalackersuisut aningaasatigut ikiorsiissutinut aallartinneqartunut tunngatillugu ingerlatitseqqinnerminni aamma erseqqissarpaat, suliniut pisup ineriartorneranut piviusumut annertussutsikkut piffissakkullu naleqqussarneqarnissaa anguniarlugu ineriartorneq malinnaavigineqarluartoq.

Ajornartoorneq anneruneruleraluttuinnartillugu sivisuneruleraluttuinnartillugulu suliassa qarfinnut inuiaqatigiinnut pingaaruteqarluinnartuunngitsunut aningaasaliissutit arlallit naleqqussarneqarnissaat siunertaralugu karsimik misissuinissaq tassunga ilanngullugu sanaartornissamut pilersaarutit aallartinneqanngitsut assigiinngitsut, avataaniit sulisunik atuisariaqartut isumaliutigineqarnissaat pisariaqarneruleraluttuinnassapput. Taarsigassarsinissamik pisariaqartitsineq taamatuttaaq annertunerulissaaq.

Ajornartoorneq sivisussappat sakkortussappallu aningaasaqarnikkut periarfissat ukiuni arlalinni soorunami killillerneqassapput, missingersuutinik malinninnissamut piunasaqaat sakkortunerulissaaq kiffartuussinermillu pitsanngorsaannissamut aningaasartuuteqarfiusussanillu suliniuteqarnissamut tunuarsimaartoqarnerulissalluni.

Apeqquut 6:

Suliani matumani pineqartuni nalunaarneqartunit amerlianusunik aningaasaliissuteqartoqarnissaa pisariaqartinneqassappat Naalackersuisut qanoq isummissappat? Assersuutigalugu aningaasarsiaqartunut ikiorsiissutit katersat pillugit suliami Naalackersuisut naatsorsuutigaat suliffissaaleqisut 20 %-inik amerleriassasut. Assersuutigalugu suliffissaaleqisut 30 %-inik amerleriarpata qanoq pisoqassava?

Akissut: Apeqquummut 5-imut akissut takuuk

Apeqquut 7:

Ajornartorsiuut Nuup avataanut siaruaattoq paasinarsippat Naalackersuisut qanoq isummissappat?

Akissut: Apeqquut peqqissutsimut suliassa qarfimmitt akineqarpoq. Nunap immikkoortuani napparsimmaviit peqqissaaviillu tamarmik misiligitissanik maannakkut tiguisinnaalereerput. Taakkua saniatigut COVID-19-imik napparsimasunik tiguisinissaminnut inissatigut atugassarititat piareersarsimavaat.

Napparsimasut annertunerusumik nakorsartariaqartut imaluunniit peruluttut (assersuutigalugu anersaatuutilerlugit) katsorsarneqartariaqartut pisarneq malillugu Dronning Ingridip Napparsimmavissuanut nuunneqassapput. Aqutsisut ineriartorneq malinnaaffigilluarpaat isumalluutinillu il.il. sumiiffiit ataasiakkaat ikiorsernissaannut piareersimallutik.

Apeqqu 8:

Sulisut katersatik atorlugit sulinngiffeqarnissaat imaluunniit feeriarnissaat pinngitsoorani piumasaqaataava? Inuimmi feeriassanik katersisimangitsut?

Akissut:

Sulisuq piffissamut ullunut 30-nut akissarsiassanik taarsiiffigitiffiusumut ulluni tallimani feeriassaaq/qaangiuttoornermut taarsiullugu sulinngiffeqassaaq. Piffissaq akissarsiassanik taarsiiffigitiffiusuq ullunit 14-init sivikinneruppat piffissaq feeriarfiusuq tamatigut ullut feeriarfiusut/qaangiuttoornermut taarsiullugu sulinngiffeqarfiusut 2,5-itut naatsorsorneqartarput imaluunniit ullut 14-it sinnerlugit ullullu 30-it tikillugit siviussusilimmik akissarsiassanik taarsiiffigitiffiusumut ullut feeriarfiusut/qaangiuttoornermut taarsiullugu sulinngiffeqarfiusut tallimat. Apeqqu inuussutissarsiornermut suliassaqarfimmit akineqarpoq.

Apeqqu 9:

Suliffeqarfiit aallarteqqammersut ingerlataqarsimanermillu kingumut takussutissaateqanngitsut (kaavliaartitanik imaluunniit aningaasarsianik tunniussinernik) suliani matumani pineqartuni qanoq inissisimassappat?

Akissut:

Taarsiivigitinnissamut ajornartoorfimmilu taarsigassiinissamut, suliffeqarfik COVID-19-ip kingunerisaanik piffissamut naleqqersuunneqarsinnaasumut sanilliullugu kaavliaartitami minnerpaamik 30 %-iinik annaasaqarnissaa piumasaqaataavoq. Apeqqu inuussutissarsiornermut suliassaqarfimmit akineqarpoq.

Apeqqu 10:

Suliaqarfeqarpa aaqqissuussinerni ilaatinneqartussaannngitsunik, taamaassimappat sooq? Kulturikkut ingerlatat aaqqissuussinermut ilanngunneqarnissaat aammalu piffissap imaalinerani mattussisoqariinnginnissaa Naalakkersuisunut kaammattuutigineqarpoq. Ataatsimiititaliap kaammattuutigaa makku aamma puorneqassanngitsut; atisaarniarfiit, kulturilerisut, nujaleriffiit, kiffartuussinermik suliaqartut, suliffeqarfeqqat il.il. Ataatsimiititaliamittaaq kissaatigineqarpoq aaqqissuussinerit suliani pineqartuni suliarineqartut inuussutissarsiornermi immikkoortunut aalajangersimasunut taamaallaat atuutissanngitsuq, aaqqissuussinerli tamarmiisoq kattuffiit suleqatigilluarlugit eqaatsumik suliarineqassasoq, taamaalornikkut massakkoqqissaaq kingusinnerusukkulluunniit pisariaqartitsisut ikiorsiissutinik iluaquserneqarsinnaaqqullugit.

Akissut:

Inuussutissarsiornimmu ikiorsiissutit marlunnik pingaarnernik imaqarpoq:

- "Massakkoqqissaaq pisariaqartitsisunut ikiorsiissutit" suliffeqarfinnut unnuisarfinnik, neriniartarfinnik, sullissinikkut inuussutissarsiutinik assigisaannillu ingerlatsisut, taamaatitsinerit amerlasoorujussuit kingunerisaannik aningaasaqarnikkut massakkoqqissaaq unammilligassalinnut kiisalu suliffeqarfinnut matoqquneqarsimasunut.

- "Inuussutissarsiorfimmu ataatsimut ikiorsiissutit" inuussutissarsiorfimmik ingerlatsivinni allani ajornartorsiutinut ikiorsiissutaasinnaasut.

Taamaattumik inuussutissarsiorfimmu ikiorsiissutinut qinnuteqarnissamut inuussutissarsiorfinnik mattussisoqanngilaq.

Inuussutissarsiorfimmu ikiorsiissutinut aamma akissarsianut taarsiissuteqarnissamut ikiorsiissutinut ukua aamma atuupput:

- Suliffeqarfiit namminersortut Kalaallit Nunaanni nalunaarsorsimasut taamaallaat ilaapput, ingerlatseqatigiiffiit pisortanit pigineqartut ilaatinneqanngillat. Suliffeqarfiit Kalaallit Nunaannut tamakkiisumik akileraartussaataaassapput.
- Suliffeqarfimmi sulisut amerlanerit Kalaallit Nunaanni najugaqartuussapput.

Apeqqu inuussutissarsiornermut suliassaqarfimmit akineqarpoq.

Apeqqu 11:

Sulianut matumani pineqartunut atatillugu suliffeqarfimmut pisortanullu allaffissornermik annertuallaamik pilersitsinissaq sapinngisamik pinngitsoortinniarneqassasoq ataatsimiititaliamit kaammattuutigineqarpoq.

Akissut: Naalakkersuisut suliniutit aallartinneqartut tiguisususanut allaffissornikkut pisariitsuunissaat eqqumaffigeqqissaarpaat – soorluttaaq Namminersorlutik Oqartussani allaffissornikkut sapinngisamik pisariitsumik suliarineqartussaasut. Aaqqissuussinernik atornerluisoqaratarsinnaaneranut sillimaniarluni allaffissornikkut pisariitsumik, pingaartumik uppersaalluni neriorsuteqarlunilu nalunaaruteqarnikkut kingornatigullu kukkunersuisup nalunaaruteqarneratigut qulakkeerinnittoqartarpoq.

Apeqqu 12:

Aningaasarsiaqartunut ikiorsiissutit aamma inuussutissarsiorfimmu ikiorsiissutit pillugit sulianut tunngatillugu oqaasertaliussani avataani suleqatigisanut allaffissornikkut ingerlatsinissamut isumaqatigiissuteqarnissamut Naalakkersuisut piginnaatinneqarnerannik allasimasut itisilernerneqarnissaat ataatsimiititaliamit kissaatigineqarpoq.

Akissut:

Akissarsianik utertitsitsisarnermik aaqqissuussineq Akileraartarnermut Aqutsisoqarfimmit aqunneqarpoq, aqutsisoqarfiup systemit paasissutissallu sukkasuumik pisariitsumillu suliarinninnissamut pisariallit pigereermagit.

Inuussutissarsiorfimmu ikiorsiissutit Namminersorlutik Oqartussat Business Greenland A/S-imit, inuussutissarsiummut siuarsaanerumut aaqqissuussanik, tapiissutinik taarsigassanillu suliqaarnissamut IT-kkut allaffissornermilu aqutsissutikkut pisariaqartinneqartunik peqareertumit, inuussutissarsiuutinik siuarsaaniarluni aningaasaliissutit allat aqunneqarnerattut aqunneqartarput.

Aaqqissuussinerni taakkunani marlunni aalajangiilerit naammagittaalliuutigineqarsinnaapput. Naammagittaalliuutit Inuussutissarsiornermut, Nukissiuuteqarnermut, Iisimatusarnermut Suliffeqarnermullu Naalakkersuisoqarfimmut nassiunneqassapput. Apeqqu inuussutissarsiornermut suliassaqarfimmit akineqarpoq.

Apeqqu 13:

Suliat ingerlanerat pillugu ingerlaavartumik ilisimatinneqarnissani Aningaasaqarnermut Akileraartarnermullu Ataatsimiititaliap kissaatigaa. Tamanna akuttunngitsumik pisariaqarpoq minnerpaamillu ullut 14-ikkaarlugit imaluunniit naatsorsuutigineqanngitsumik pisoqartillugu.

Akissut: Ikorsiissutit il.il. atugassanngortinneqarneranut tunngatillugu Naalakkersuisunut paasissutissat ingerlateqqinneqartut Aningaasaqarnermut Akileraartarnermullu Ataatsimiititaliamut sapinngisamik piaarnerpaamik nassiunneqartarnissaat Naalakkersuisut isumagissavaat.

Apeqquut 14:

Suliami matumani Inatsisartut akuutinneqartariaqaraluartut Naalakkersuisut naliliippat aammalu tamanna qanoq ingerlanneqassagaluarpa?

Akissut: Suliniutit nutaat allanngortinneqarneriluunniit pillugit Naalakkersuisut isummernissaannut tunngavissiap akuerineqarnerani Aningaasaqarnermut Akileraartarnermullu Ataatsimiititaliap ilisimatinneqartarnissaa Naalakkersuisut isumagissavaat. Suliniutip pitsaanerpaanissaata qulakkeernissaa anguniarlugu sapinngisamik piaarnerpaamik tamanut ilisimatitsinissaq Naalakkersuisut paasissutissiisarnissamut suliniutaanni qitiuvoq.

Apeqquut 15:

Ungasinnerusoq isigalugu kingunerisassat pillugit Naalakkersuisut qanoq eqqarsaatersuuteqarpat aammalu Naalakkersuisut allanik ilassutissaqarpat?

Akissut: Apeqqummi 5-imi oqaatigineqareersutut ajornartoornerup sivisusinnaanera inuiaqatigiinnilu aningaasaqarnikkut annertuumik kinguneqarsinnaanera nangartorneqarsinnaanngilat. Apeqqummut erseqqinnerusumik maannakkuugallartoq oqaaseqartoqarsinnaanngilaq. Annertuumik suliniuteqarnikkut inuussutissarsiutini ajornartoornerit pinngitsoortinnissaat suliffissaqartitsiniarnikkullu ajornartoornerit annertuumik sivisuumillu kinguneqarnissaasa pinaveersaartinnissaat anguniarneqarput.

Nappaalanersuarli 2020-imi immaqalu 2021-imi pisortat aningaasaqarnerata tatisimaneqalerneranik kinguneqartumik inuiaqatigiinni aningaasaqarnermut pinngitsoorani kinguneqartussatut isigineqartariaqarpoq. Piffissaagallartillugu karsimik misissuinikkut suliassaqarfinnilu inuiaqatigiinnut pingaaruteqarnerpaanngitsuni arlalinni aningaasartuutit naleqqussarnerisigut, kiisalu nutaamik taarsigassiinikkut akiliisinnaassutsikkut naammattumik upalungaarsimanissamik qulakkeerinninnikkut pisoq aqunneqarsinnaavoq.

Inussiarnersumik Inuulluaqqusillunga


Vittus Qujaukitsooq



Ilanngussaq
Bilag

0-2

**Inuussutissarsiornermut Nukissiuteqarnermut
Ilisimatusarnermut Suliffeqarnermullu
Naalakkersuisoq**

Ulloq: 3. april 2020
J.nr.: 01.31.06/20-00869/870/871

**Aningaasaqarnermut Akileraartarnermullu Ataatsimiititaliap pingasunngornermi
ulloq 8. april 2020-mi aalajangiineranik Naalakkersuisunut ilisimatitsineq.**

**Aningaasarsiaqartunut ikiorsiissutitut katersat – Suliaq nr. 01.31.06/20 – 00869
Inuussutissarsiorfimmumt ikiorsiissutitut katersat – Suliaq nr. 01.31.06/20 – 00870
Coronaviruseqarneranut atatillugu akileraarutinit akitsuutinullu imikkut ittumik
iliuuseqarnissamut piginnaatitsissummik ilassutissatut aningaasaliissutinit qinnute-
qaat – Suliaq nr. 01.31.06/20 – 00871**

**Aningaasaqarnermut Akileraartarnermullu Ataatsimiititaliap oqaaseqaatai
apeqqutaalu:**

Aalajangiinini pillugu allakkiamini 20. marsimeersuni sulianut siuliani allassimasunut arla-
linnik ataatsimiititaliaq apeqquteqarpoq. Tassunga atatillugu suliat ingerlanerannik ingerlaa-
vartumik ilisimatinneqartarnissani ataatsimiititaliap kissaatigaa. Tamanna akuttunngitsumik
minnerpaamillu ullut 14-ikkaartumik imaluunniit naatsorsuutiginnigsanik pisoqartillugu
pisassasoq ataatsimiititaliamit kissaatigineqarpoq. Naalakkersuisut akissutaat ataatsimiitita-
liamit suli tiguneqanngilaq.

Apeqqutit siuliani taaneqartut ataatsimiinnermi akineqarnissaat Naalakkersuisut toqqarsin-
naavaat tassungalu ataatillugit apeqqutit matuma kinguliani allassimasut aamma akissuteqar-
figalugit:

Apeqqut 1:

Assersuutigalugu pinngitsaaliissummik matoqqasussanngortinneqarnermikkut suliffeqarfiit
ilaat toqqaannartumik eqqugaapput. Taakku piffissami ilisimaneqanngitsumi isertitassara-
luaminnik annaasaqassapput, tamatumali peqatigisaanik aalajangersimasumik aningaasar-
tuutigisartakkaminnik aningaasartuuteqartussaallutik, taakkununga ilaapput akissarsianut
aningaasartuutit, tamatumunngalu peqatigitillugu assersuutigalugu pilersuisuminnut akili-
gassanik pisussaaffigisaminnik eqquutsitsisussaallutik. Naalakkersuisut ikiorsiissutaat iliut-
sillu allat siunertaq malillugu sunnuteqarnerisut akissuteqarfigineqassasoq ataatsimiitita-
liamit kissaatigineqarpoq.

Apeqqut 2:

Suliffeqarfiit eqqugaasut amerlasuut tassaasinnaapput inummit ataatsimit pigineqartut
imaluunniit mikisuararsuit aningaasakitsuararsuusut ingerlatanik immikkorluinnaq itunik
assersuutigalugu takornariaqarnermut kiffartuussinermulluunniit suliaasaqarfiup iluani
ingerlatsisut. Taakku suliaqartut kattuffiinit allanulluunniit coroana pillugu suliamut tunnga-
sunik soqutigisaminnik isumaginnissinnaasunut immaqa ilaasortaanngillat. Suliffeqarfinnik
taamaattunik ikiuineq pillugu Naalakkersuisut qanoq misilittagaqarpat aammalu taakku
qanoq ikiorneqartarpat? Suliffeqarfeeqqat taakku ikiorsiissutigineqartunik tamanik ikiorser-

neqarsinnaappat imaluunniit ikiorsiissutigineqartut ilaannaannik ikiorserneqarsinnaappat? Aningaasanik qinnuteqarnissamut atatillugu assersuutigalugu kukkunersiuisumik ikiorte-qarnermut pisariaqartumik aningaasartuutitut matussutissaqarnissamut suliffeqarfeqqat periarfissaqarpat?

Apeqquut 3:

Tusagassiorfinnut nalunaarummi Nuummi niuertut peqatigiiffiat (handelsstandsforening) assersuutitut taaneqarpoq, tassani ilaasortat ataasiakkaat suliffeqarfiutaat mikisuararsuusinnaapput immaqqa sulisitsisut kattuffiit ilaasortaangitsut. Coronap ajornartorsiortitsinerani Naalakkersuisut iliuusaannut assigiingitsunut atatillugu suliffeqarfiit mikisut taakku tusarneqarneqarnissaminnut qanoq inissisimappat?

Apeqquut 4:

Suliffeqarfiit namminersortitat aningaasaateqarfiilluunniit coronap ajornartorsiortitsinerani qanoq inissisimappat?

Apeqquut 5:

Coronap ajornartorsiortitsinerani Kalaallit Nunaat kisimi eqqugaanngilaq, aammali Danmarki EU-lu sakkortuumik eqqorneqarput. Suliat Kalaallit Nunaata EU-llu isumaqatigiissuteqarfignisaasa attatiinnarneqarnissaannut EU-p piumassuseqaannarnissaa eqqarsaatigalugu Naalakkersuisut sunik ajornartorsiuteqarsoraa? Ima pisoqarsinnaava EU-p pisassiissutinik tunineqaannartarnissaa imaluunniit taakku Kalaallit Nunaanni agguanneqassanersut isumaqatigiinniutigineqarsinnaalluni?

Apeqquut 6:

Kalaallit Nunaata avammut tusartagaasa annersaat tassaapput aalisakkat. Taamaattumillu nunatta aningaasaqarneranut aalajangiisuusut ilaat tassaavoq aalisakkat avammut tunisat akiat. Aalisakkat avammut tunisat akiinut naleqqersuutit ineriartornissaat qanoq isikkoqarpa?

Apeqquut 7:

Ikiorsiissutit aqutsiviginissaat Greenland Businessimut suliakkiissutigineqarpoq. Suliffeqarfitsik pillugu paasissutissanik suliffeqarfimmut unammillertumut piginneqataasumut nassiussinissaminnut toqqissisimanartitsinnginnertik pissutigalugu suliffeqarfiit ikiorsiissutinik atuinissamik pisariaqartitsisut paasissutissanik pisariaqartunik Greenland Businessimut nassiusserusussinnaannginnissaat naatsorsuutigineqarsinnaavoq. Suliffeqarfiit taakku ikiorsiissutit naapertorlugit qinnuteqarnerminnut atatillugu kinaassusersiunngitsumik arlaannaanulluunniillu attuumassuteqanngitsumik sullinneqarsinnaanerat Naalakkersuisunit qanoq qulakkeerneqarpa?

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaaq

Aningaasaqarnermut Akileraartarnermullu Ataatsimiititaliarlu isumasioqatigiinnissamut saqqummiussinissanut tunngavissat - april 2020 (COVID-19)

07-04-2020

Sagsnr. 2020 - 6559

Postboks 1601

3900 Nuuk

Tlf. (+299) 34 50 00

E-mail: isiin@nanoq.gl

www.naalakkersuisut.gl

Inatsisartut Aningaasaqarnermut Akileraartarnermullu
Ataatsimiititaliaat allakkatigut ulloq 3. april 2020 aggersaavoq
Inuussutissarsiornermut, Nukissiuuteqarnermut, Ilisimatusarnermut
Suliffeqarnermullu Naalakkersuisumik 8. april 2020, nal. 10:00
ataatsimiittarfik Erling Høegh-imut.

Inuussutissarsiortunut aamma suliffeqartunut tunngatillugu ikiorsiissutitut atatillugu ataatsimoortut killiffii

- Naalakkersuisut COVID-19-ip kingunerisaanik ikiorsiissutinik aaqquussinernik arlaqartunik pilersitsipput.
- Ikiorsiissutinik aaqquussineq ataaseq sulisartunut ikiorsiissutinik imaqarpoq, suliffeqarfiit namminersortut aningaasarsiaannut taarsiissutissanut.
- Ikiorsiissutinik aaqquussinerit marluk inuussutissarsiortunut sammisunik ikiorsiissutinik imaqarput, "Pilertortumik ikiorsiissutit" aamma "Ataatsimoortumik ikiorsiissutit".
- "Pilertortumik ikiorsiissutit" siunnerfeqarput suliffeqarfinnut, soorlu akunnittarfinnut, neriartarfinnut aamma kiffartuussinermik suliffinnut allanut, maanna aningaasarsionnikkut unammillernartunik atugaqalereersunut inniminniinernik annertoorsuarmik taamaatitsiviusuni aamma /imaluunniit inniminniingitsoorfiusuni.

- ”Pilertortumik ikiorsiissutit” aamma siunnerfeqarput suliffeqarfinnut COVID-19-ip kingunerisaanik matoqquneqarsimasunut. ”Ataatsimoortumik inuussutissarsiortunut ikiorsiissutit” atorneqarsinnaapput inuussutissarsiutit sammiviini allanik ajornartorsiutinut ikiorsiissutitut.
- ”Pilertortumik ikiorsiissutit” aamma ”Ataatsimoortumik inuussutissarsiutinut ikiorsiissutit” arlariillutik imaqarput aaqqissuussinernik pingasunik:
 - Toqqaannartumik taamaatitsinermut taarsiissutit
 - Aalajangersimasunik aningaasartuutinut taarsiissutit
 - Periarfissaq erniaqanngitsunik akilersugassaannigitsunillu qaammatit 36-it angullugit atorniarsinnaanermut.
- Naalakkersuisut ilisimatitsissutigisinnaavaat ikiorsiissutinik aaqqissuussineq sulisartunut maannamut 55-inik amerlassusilinnit qinnuteqarfigineqarsimammat.
- Inuussutissarsiortunut ikiorsiissutinik aaqqissuussinerit maannamut qinnuteqaatinik 219-inik tigusaqarfiupput. Ataatsimut qinnutigineqarput 59 mio. kr.-ingajaat.

Apeqqut 1

Suliffeqarfiit ilaat toqqaannartumik eqqugaapput, assersuutigalugu pinngitsaalisallutik matoqqasussaallutik. Taakkua piffissami sivisussusissaa ilisimaneqanngitsumi isertitassaminnik annaasaqassapput, kisiannili ilutigisaanik pisariaqartitsissallutik aalajangersimasunik aningaasartuutiminnik akilersuiinnarnissamik, akissarsianut aningaasartuutit ilanngullugit, kiisalu aamma akiitsuminnik pisussaaffimminnik naammassinnittussaallutik assersuutigalugu nioqqutissanik pisiniartarfimminnut. Ataatsimiititaliap kissaatigaa akissuteqarfigineqassasoq Naalakkersuisut ikiorsiissutinik aaqqissuussineri iliuusissaat allat siunnerfiusutut iluaqutaanersut.

Akissutit

- Ikiorsiissutininik aaqqissuussinerit maanna atuuttut suliffeqarnermi illuatungeriinnut oqaloqatiginnissutaanikuupput, tamatumunngalu atatillugu Sulisitsisut, SIK, Nusuka, KNAPK aamma Kommuneqarfik Sermersooq aammalu Naalakkersuisoqarfiit susassaqtartut peqataasimallutik.
- Ikiorsiissutininik aaqqissuussinerit annertuutigut danskit ikiorsiissutininik aaqqissuussinerisa assigaat, ilaatigullu imaqarlutik 100 pct.-imik taarsiissutisiaqarnernik suliffeqarfiit aalajangersimasunik aningaasartuutaannut, suliffeqarfinnut matoqqasussanngortinneqarsimasunut. Taamaattoq suliffeqarfikkaartumik qaammammut annerpaamik 1 mio. kr.-it.
- Ikiorsiissutininik aaqqissuussinerit qinnuteqarfigineqarsinnaanngorlugit ammaanneqarput 23. marts 2020-imili.
- Taamaattumillu suli siusippallaarpoq nalilersuiffigissallugu inuussutissarsiortunut qanoq sunniuteqarsimanersut, kisiannili Naalakkersuisut maluginiarpaat ikiorsiissutininik aaqqissuussinerit assut soqutigineqarluartut.

Apeqqut 2

Suliffeqarfiit amerlasuut eqqorneqarsimasut tassaasinnaapput suliffeqarfiit inummit ataatsimit kisimiillutik ingerlanneqartut, imaluunniit mikisuaqqat, aningaasaqarnermikkullu annerusumik periarfissaqanngitsut, sillimmateqaratillu. Suliffeqarfiit suliassanik immikkut ittunik ingerlatsisuusartut, assersuutigalugu takornariartitsinermi imaluunniit kiffartuussinermik ingerlatsivinni. Tamakkualu immaqqa sulisitsisutut peqatigiiffiit sammiviinut aalajangersimasunut ilaasortaasanngillat, allatulluunniit soqutigisaminnik sullissisinnaanngitsunik saaffissaqartaratik ajornartorsiutinut coronamik peqquteqartumik naammattuukkaminnut atatillugu. Naalakkersuisut suliffeqarfinnik taamaattunik ikiorsiisarnernut qanoq ittunik misilittagaqarpat, aammalu qanoq suliffeqarfiit taamaattut ikiorserneqartarpat? Suliffeqarfiit taamaattut mikisut ikiorserneqarmissamut ikiorsiissutit

assigiinngitsut iluanni periarfissaqarpaat, imaluunniit taamaattut ikiorsiissutit ilaannaanni periarfissaqartarnerlutik? Suliffeqarfinnut mikisunut periarfissaqarpaa pisariaqartunut ingerlatsinermi aalajangersimasunik aningaasartuutitut, soorlu kukkuneruisunut matussutissanik qinnuteqarsinnaanermut?

Akissutit

- “Pilertortumik ikiorsiissutini” – inuussutissarsiortunut ikiorsiissutaasuni ilaapput namminersortut suliffiutaannut takornariartitsinermi imaluunniit kiffartuussinermik inuussutissarsiutini, soorlu akunnittarfeqarnermi aamma neriartarfeqarnermi assigisaannullu ikiorsiissutit.
- Ingammik immikkut pisussanik taamaatitsisarnernut ikiorsiissutaasartut suliffeqarfinnut minnerusunut siunnerfilersugaapput.
- Pisariippoq ikiorsiissutissanik qinnuteqartarneq ikiorsiissutinik aaqqissuussinerni tamani. Kiisalu aamma oqarasuaatikkut saaffiginnittarfinnik – hotlines – arlariinnik pilersitsisoqarnikuuvoq aaqqissuussinernut tunngatillugu apeqquteqarfusartunik. Kiisalu aamma apeqqutinik taakkunungalu akissutinik arlalinnik suliaqartoqarnikuuvoq, inuussutissarsiortunut quppersakkami uani nassaarineqarsinnaasunik www.big.gl
- Ikiorsiissutinik aaqqissuussinerit aamma ilaqarput aningaasanik attartorsinnaanermik, suliffeqarfiup aningaasanik tigorianaannarnik peqarnissaanik qularnaarisinnaasunik. Aaqqissuussineq taanna ilaatigut aningaasalersuissutaasinnaavoq kukkuneruisunut assigisaannullu aningaasartuutissanut.

Tusagassiuutini assersuutigalugu eqqaaneqarpoq Nuummi niuertut peqatigiiffiat, ilaasortat ataasiakkaat mikisuaarasartut, immaqalu pinngitsooratik sulisitsisut peqatigiiffianni ilaasortaasanngitsut. Suliffeqarfiit mikisut taamaattut qanoq inissisimappat Naalakkersuisunit tusaaneqarnissaminut, coronamut tunngatillugu ajornartorsiornermi iliuutsinut assigiinngitsunut atatillugu?

Akissutit

- Erseqqissaatigissavara *piumasaqaateqanngimmat* suliffeqarfiup sulisitsisut peqatigiiffianni imaluunniit inuussutissarsiutit soqutigisaqaqatigiittut peqatigiiffianni ilaanissaanut, ikiorsiissutinut pineqartunut qinnuteqarnissamut atatillugu.
- Ikiorsiissutinik aaqqissuussinerit suliarineqarput suliffeqarnermi illuatungeriit qanimut oqaloqatigalugit, siunnerfigalugu nunatsinni inuussutissarsiortut namminersortut kalaallit ikiorserneqartarnissaat.

Apeqqut 4

Suliffeqarfiit imminnut pigisut imaluunniit aningaasaateqarfiit coronamik ajornartooqqanermut qanoq inisisimappat?

Akissutit

- Namminersortut suliffiutaat piumasaqaatinik naammassinnittut tamarmik ikiorsiissutinik aaqqissuussinernut qinnuteqarsinnaapput. Tamanna aamma atuuppoq peqatigiiffinnut, aningaasaateqarfinnut aammalu suliffeqarfinnut imminnut pigisunut.
- Taamaattoq piumasaqaataavoq taakkua ingerlatsiviup pineqartup ingerlatsinerminut aningaasartuutaasa affaannit ikinnerusut pisortanit tapiissutigineqartarnissaat.

Apeqqut 5

Kalaallit Nunaat kisimi coronamik ajornartooqqanermi
eqqugaanngilaq, kisiannili aamma Danmark EU-lu sakkortuumik
aamma eqqugaapput. Ajornartorsiutinik qanoq ittunik
Naalakkersuisut takusaqarsinnaappat EU-p isumaqatigiissutinik
Kalaallit Nunaata EU-llu akornanni isumaqatigiissutaasimasunik
attassiinnarnissaanut tunngatillugu. Pissutsinik
atuuttoqalersinnaanerluni isumaqatigiinniartoqartariaqalerneranik
EU-p sulii pisassaqtinneqarnissaanut, imaluunniit pisassat Kalaallit
Nunaanni namminermit agguataartariaqalernissaannik?

Akissutit

- EU imaluunniit Naalakkersuisut piffissami matumani
oqaaseqarsimangillat isumaqatigiissutinik
allannguisoqarsinnaanera pillugu kissaateqarlutik.
- Taamaattumillu malunnartoqanngilaq ilimanaateqaranilu
piffissami matumani isumaqatigiissutut nutaamik
isumaqatigiinniutigeqqittariaqalersinnaanerannik.

Apeqquut 6

Kalaallit Nunaata avammut niuerutigisartagai annertunerpaatigut
tassaapput aalisakkat. Taamaattumillu nunatta aningaasarsiornerani
aalajangiisuullunnarpoq aalisakkat avammut tunisat akii.
Aalisakkanik avammut niueruteqarnermi akit qanoq
inertiartorsinnaanerannut isikkivik qanoq maanna inissisimava?

Akissutit

- Naalakkersuisut aalisakkanik avammut niueruteqarnerup
inertiartornera pillugu Royal Greenland-imiit paasisutissanik
piniarsimapput.
- Royal Greenland imaattunik ilisimatitsivoq:
 - Nioqqutinik tuniniaaviusut tamarmik covid-19-imit
eqqugaaqqapput.

- Akunnittarfinnut, kantiinanut aamma ingerlatsivinnut assigisaannullu Europa-miittunut ingerlangilluinnarpoq, niuerfiusut tamakkua piffissami matumani toqqorsivitik ilanngartermatigit.
- Niuertarfinnili tuniniaaneq AJUNNGILAQ niuerfiusuni amerlanerpaani.
- Royal Greenland naliliivoq aalisakkanik avammut niuernermi pitsaanngitsumik ineriartortoqassasoq, naak tamanna pitsaanngitsup tungaani annikinnerungaassagaluartoq inuussutissarsiutinut allanut sanilliullugu, assersuutigalugu timmisartornermut, takomariartitsinermut aammalu atisanik nioqquteqarnermut.
- Royal Greenland naliliivoq tunillaassuunneq april-ip naanerani annerpaaffissaminiissappat, tamatumalu kingornagut annikilliarblerluni, ilutigisaanillu nunani allani pisortat ammaajartoqqilissappata, taava niuertarfinni niuerneq index-ip 80-100 juni-p tungaanut atussavaa. Tamatumalu kingorna niuertarfinni niuerneq 100-miilissaaq. Akunnittarfinnut, kantiinanut ingerlatsivinnullu niuerneq naatsorsuutigineqassaaq index 5-10-mi junip tungaanut, tamatumalu kingornagut 50-75-imut qaffattussatut.

Apeqqu 7

Greenland Business suliassinneqarsimavoq ikiorsiissutinik aaqqissuussinernik allaffissornikkut ingerlatsisuusussatut. Naatsorsuutigineqarsinnaavoq suliffeqarfiit ikiorsiissutinik pisariaqartitsisut paasissutissanik pisariaqartunik Greenland Business-imit piumaneqartunik nassiussisannginnissaat, qinnuteqartut toqqissisimanartinngikkunikku suliffeqarfimmut unammillertumi piginneqatigisaanut paasissutissanik ingerlatitsinissartik. Naalakkersuisut qanoq qularnaarpat suliffeqarfiit taamaattut naapertuilluartumik aammalu arlaannaannulluunniit atanngitsumik sullinneqassanersut, ikiorsiissutinik qinnuteqaatiminnut atatillugu?

Akissutit

- Greenland Business suliffeqarfinni allani piginneqataanngilaq.
- Greenland Venture taannaavoq suliffeqarfinni allani aningaasaliisarnermik ingerlatsisusoq.
- Greenland Business nalinginnaasumik Naalackersuisut inuussutissarsiornikkut ikiorsiissutinik aaqqissuussinerini sulianik ingerlatsisusarpoq. Taamaattumillu misilittagaqarluarput ikiorsiissutinik suliaqartarnermikkut.
- Taamaattumillu Greenland Business taannaavoq inuussutissarsiutinut ikiorsiissutinik isumaginnittusoq.
- Greenland Business ilisimatitsivoq aaqqissuussinerit assut soqutigineqartut, maannamullu qinnuteqaatit amerlasuut tiguneqareersimasut.



INATSISARTUT

Ilanngussaq
Bilag

D-3

**Aningaasaqarnermut Aatsitassanullu
Naalakkersuisoq
/Maani**

Ulloq: 13. april 2020

J.nr.: 01.31.05-00079

**Ataatsimiittarfik Erling Høeghimi Aningaasaqarnermut Akileraartarnermullu
Ataatsimiititaliami siunersuinermit sisamangornermi ulloq 16. april 2020, nal. 15.00
aggeqqusissut.**

Matumuuna Inatsisartut suleriaasianni § 19 naaportorlugu Aningaasaqarnermut Aatsitassanullu Naalakkersuisoq coronamik ajornartorsiuteqarnerup aningaasaqarnikkut kingunissai pillugit siunersuinermit Aningaasaqarnermut Akileraartarnermullu Ataatsimiititaliamit aggersarneqarpoq.

**Aningaasaqarnermut Akileraartarnermullu Ataatsimiititaliap oqaaseqaatai apeqqu-
taalu:**

Naalakkersuisut paasissutissiissutitut allagaannik 8. marts ullulerneqarsimasunik tigusaqar-
nini ataatsimiititaliap qujassutigaa.

Apeqqu 1:

Corona pillugu ajornartorsiuteqarnermut malitsitut aningaasartuutit amerlassusissaat missi-
ngersussallugit suli siusippallaartoq ataatsimiititaliamit maliginiarneqarpoq. Tamatuma
saniatigut 2020-mut aningaasanut inatsimmik allannguinnissap pisariaqarnerata naatsorsuu-
tigineqarsinnaanera ataatsimiititaliamit aamma maluginiarnepoq. Naalakkersuisut makku
pillugit maannangaaq oqaatigereersinnaasaat pillugit paasissutissinneqarnissaq ataatsimiiti-
tialiamit kissaatigineqarpoq:

- 1) Kontut pingaernerit sorliit aningaasaliissutinik amerlanerpaanik aallerfiginiarneqar-
nersut?
- 2) Suliassaqarfiit ilaanni atuinikinnerusoqarlunilu sipaaruteqartoqassamaarnersaq?
- 3) Aningaasanut inatsisikkut aningaasaliissutit ilaannik atugassiissutiginninnissamik
kinguartitsinnaaneq Naalakkersuisunit maannangaaq isumaliutigineqareernersaq?
- 4) Pisariaqartitsisoqartoq paasinarsissagaluarpat aningaasanik tigorianaannik
upalungaarsimatitanik allanik sunik Naalakkersuisut isumaliuteqareersimanersut?
- 5) Pisariaqalissagaluarpat Sanaartugassanut Iluarsagassanullu Aningaasaateqarfimmit
aningaasaliissutitut immikkoorteriikkanik utertitsinissamut periarfissat Naalakkersui-
sunit maannangaaq misissorneqareernersut?
- 6) Piffissami aggersumi ilassutitut aningaasaliissutissanik qinnuteqartoqarnissaa
naatsorsuutigineqarsinnaanersaq?
- 7) AIS 2021 pillugu suliaqarnerup killiffia.

Apeqqu 2:

- 1) Corona pillugu ajornartorsiornerup ingerlatseqatigiiffinnut Namminersorlutik Oqar-
tussanit pigineqartunut kingunerititassai eqqarsaatigalugit aningaasaqarnikkut iliuu-
sissat pisariaqartinneqarsinnaasut suusinnaanerat Naalakkersuisunit isumaliutigine-
qarsimava. Matumani ingerlatseqatigiiffiit inuiaqatigiinnut pingaaruteqartumik kif-

fartuussutinik Namminersorlutik Oqartussat sinnerlugit isumaginninnerannut kingunissat ataatsimiititaliamit immikkut eqqarsaatigineqarput? Ingerlatseqatigiiffiit assersuutigalugu makkuninnga isumaginnittuusut ataatsimiititaliamit pingaarnertut eqqarsaatigineqarput:

- Nioqqutissanik il.il. pilersuisussaataaneq.
 - Ilaasunik assartuineq.
 - alunaarasuartaateqarneq allakkerisarfearnerlu.
 - Attaveqatigiissaagaanikkut sanaartorneq isumannaarinninnerlu, matumani aamma mittarfiliortiterit.
- 2) Siuliani apeqqut nangillugu 1), corona pillugu ajornartorsiornerup ingerlatseqatigiiffinnut namminersortitanut kingunissaanut tunngatillugu aningaasaqarnikkut iliuusissat suut pisariaqarsinnaanerit pillugu apeqqummut akissutisinnissaq ataatsimiititaliamit kissaatigineqarpoq.
- 3) Ingerlatseqatigiiffiit corona pillugu ajornartorsiornerup kingunerinut sanilliullugu taarsigassarsiaqarnikkut aningaasanillu tigorianaannarnik upalungaarsimasuuteqarnikkut inissisimanerat Naalakkersuisunit toqqissisimanartinneqarpa?

Apeqqut 3:

Nunatta Karsiata akiliisinnaassuseqarnikkut ineriartornera qaammatini aggersuni qanimut malittareqqinnaartariaqartoq Naalakkersuisut paasissutissiissutigaat.

- 1) Naalakkersuisut maannangaq isumaqarpat Nunatta Karsia siunissami qanittumi aningaasanik tigorianaannarnik upalungaarsimasuuteqarniarnikkut ajornartorsiuteqalissasoq?
- 2) Nunatta Karsiata taarsigassarsianik taarsersuisinnaasutut uppernassuseqarnera taarsigassarsiaasinnaasunillu taarsersuisinnaassuseqarnera Naalakkersuisunit toqqissisimanartinneqarpa?
- 3) Naalakkersuisut isumaat malillugu kinguaariit tullinnguuttut aggersut akiitsoqalersinnissaannut ulorianaatit suuppat?

Apeqqut 4:

Naalakkersuisut allanik ataatsimiititaliap apeqqutaanut attuumassuteqartunik paasissutissateqarpat?

Naalakkersuisumik siunersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunersuinerata Naalakkersuisup ataatsimiititaliallu akornanni pingaarnersuilluni tulleriiaarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsitinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik aper-

suinerata kingunngua uunga nassiunneqarnissaa qinnutigineqarpoq: saam@ina.gl. Allak-
kiaq ataatsimiititaliap Naalakkersuisumik siunersiuneranut nassarneqarpat atorneqarpallu
taassuma nuutinnera ataatsimiititaliap Naalakkersuisumik apersuinerata aallartinnerani
ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut akileraartarnermullu Ataatsimiititaliap Siulittaasua

Dato: 14. april 2020

J.nr.: 2020-5509

Sisamangornermi ulloq 16. april 2020, nal. 10.00-11.00 ataatsimiittarfik Erling Høeghimi Aningaasaqarnermut Akileraartarnermullu Ataatsimiititaliamik isumasioqateqarnissamut allakkiaq.

Apeqqut 1:

Corona pillugu ajornartorsiuteqarnermut malitsitut aningaasartuutit amerlassusissaat missingersussallugit sulii siusippallaartoq ataatsimiititaliamit maliginiarneqarpoq. Tamatuma saniatigut 2020-mut aningaasanut inatsimmik allannguinnissap pisariaqarnerata naatsorsuutigineqarsinnaanera ataatsimiititaliamit aamma maluginiarnaqarpoq. Naalakkersuisut makku pillugit maannangaaq oqaatigereersinnaasaat pillugit paasissutissinneqarnissaq ataatsimiititaliamit kissaatigineqarpoq:

- 1) Kontut pingaarnert sorliit aningaasaliissutinik amerlanerpaanik aallerfiginiarneqarnersut?
- 2) Suliassaarfii ilaanni atuinikinnerusoqarlunilu sipaaruteqartoqassamaarnersoq?
- 3) Aningaasanut inatsisikkut aningaasaliissutit ilaannik atugassiissutiginninnissamik kinguartitsisinnaaneq Naalakkersuisunit maannangaaq isumaliutigineqareernersoq?
- 4) Pisariaqartitsisoqartoq paasinarsissagaluarpat aningaasanik tigorianaannarnik upalungaarsimatitanik allanik sunik Naalakkersuisut isumaliuteqareersimanersut?
- 5) Pisariaqalissagaluarpat Sanaartugassanut Iluarsagassanullu Aningaasaateqarfimmit aningaasaliissutit immikkoorteriikkanik utertitsimissamut periarfissat Naalakkersuisunit maannangaaq misissorneqareernersut?
- 6) Piffissami aggersumi ilassutitut aningaasaliissutissanik qinnuteqartoqarnissaa naatsorsuutigineqarsinnaanersoq?
- 7) AIS 2021 pillugu suliaqarnerup killiffia.

Akissut:

Naalakkersuisut ulloq 14. april 2020 ataatsimiinnerminni coronap ajornartorsiortitsinerata aningaasaqarnikkut ataatsimut kingunerisai pillugit isummernissamut tunngavissiaq ulloq 6. april 2020-meersoq suliaat. Isummernissamut tunngavissiaq annikitsunik aaqqiissuteqarfialugu akuerineqarpoq. Isummernissamut tunngavissiaq aaqqitaq isumasioqatigiinnermut uunga tapiliullugu ilisimatitsissutitut ataatsimiititaliamut agguanneqassaaq. Isummernissamut tunngavissiami apeqqutit ataatsimiititaliamit qaqilerneqartut arlallit sammeneqarput.

Isummernissamut tunngavissiami ilaatigut 2020-mut aningaasanut inatsisip ”karsitut misissorneqarnissaa” siunniunneqarpoq, tassa kontut aningaasaliiviit – aamma isertitanut kontut – pissutsit allanngorneranut sanilliullugu isertitani aningaasartuutinilu annertussutit aaqqiivigineqarnissaat siunertaralugu isornartumik misissornissaat. Kontunullu pingaarnernut ataasiakkaanut sanilliullugu tamanna sulii tigussaasunnngortinneqanngilaq.

Aningaasartuutitut kontuni arlalinni, assersuutigalugu sulinermit atatillugu angalanerit arlallit, kiisalu suliassatut pilersaarutaasut arlallit ingerlanneqarnissaasa pisinnaannginnerisa kingunerisaannik aningaasartuutikinnerunissaq ilimagineqarpoq. Maannakuugallartoq aningaasartuutit minnersut taakku annertussusaannut missingiussaqaanngikkallarpoq. Suliniutit nutaat arlallit kinguartinneqarnissaat Naalakkersuisut nalilersuinerannut ilanngunneqassapput, soorluttaaq sulisartunut nunaqavissunut sammititanik suliffissaqartitsiniarluni suliniutitut aningaasanik atugassanngortitsiniarluni Sanaartornermut Iluarsartuussisarnermullu Aningaasaateqarfiup misissorneqarnissaa pisariaqartoq.

2021-mut Aningaasanut Inatsisissatut Siunnersuummut tunngatillugu piffissami suli qanoq siviutiginissaa maanna ilisimaneqanngikkallartumi coronap ajornartorsiortitsinera Nunatta Karsiata isertitanut aningaasaliissutaanik annikinnerulersitsinissaa tunngavissaatinneqartariaqarpoq. Aningaasallu qanoq annertutigiumaarneri soorunami suli oqaatigineqarsinnaanngikkallarpoq, ajornartorsiummullu takussutissatut isummernissamut tunngavissiami siusinnerusukkut oqaatigineqartumi ajornartorsiutip qanoq siviutigiumaarnera apeqqutaatillugu, Nunatta Karsiani aningaasat uninngasuutit ineriartornerannut periarfissatut ilusilikkat arlallit naatsorsuusiunneqarput. Periarfissatut ilusilikkat taakku sukumiisumik misissornissaannik ataatsimiititaliaq kaammattussavara.

Tassungalu atatillugu naluneqanngitsutut pisortat ingerlatsivianni sulisut amerlasuut angerlartinneqarsimanerat pissutigalugu maanna annikillisamik ingerlanera erseqqissaatigissavara. Tamatumalu saniatigut coronamut tunngasunik suliniutit maanna ingerlasut, suliniutitut ungasinnerusumut sammititanut sanilliullugit soorunami salliutinneqarput. Naalakkersuisullu piffissami uani Inatsisartunut taassumalu Ataatsimiititaliaanut pisarnertut sullissisinnaanngikkallarnerat tamatuma nassataraa, taamattaarlu suli at siunissamut sammisut, soorlu inatsisissatut siunnersuutit kinguaattoornissaat ilimagineqartariaqarpoq.

2021-mut aningaasanut inatsimmut tunngatillugu Aningaasanut Inatsisissatut siunnersuut nalinginnaasutut 1. august missaanut naammassillugu suliarsinnaannginnera Naalakkersuisut ilimagaat. Qaqugu Aningaasanut Inatsisissatut Siunnersuutip piareerumaarnera suli oqaatigineqarsinnaanngilaq, taamaalillunilu Inatsisartut ulloq 18. september 2020-mi ataatsimiinnissaata aallartinnissaa sapaatip akunnerinik tallimanik sioqqullugu killiliussap kingorna tunniunnissaata pisariaqalersinnaanera pisinnaavoq. Naalakkersuisoqarfimma pingaarutilimmik nutaarsiassaqaalerpat Ataatsimiititaliaq allattoqarfia killiffik pillugu ilisimatissavaa.

Apeqqut 2:

- 1) Corona pillugu ajornartorsiorderup ingerlatseqatigiiffinnut Namminersorlutik Oqartussanit pigineqartunut kingunerititassai eqqarsaatigalugit aningaasaqarnikkut iliuusissat pisariaqartinneqarsinnaasut suusinnaanerat Naalakkersuisunit isumaliutigineqarsimava. Matumani ingerlatseqatigiiffiit inuiaqatigiinnut pingaaruteqartumik kiffartuussutinik Namminersorlutik Oqartussat sinnerlugit isumaginninnerannut kingunissat ataatsimiititaliamit immikkut eqqarsaatigineqarput? Ingerlatseqatigiiffiit assersuutigalugu makkuninnga isumaginnittuusut ataatsimiititaliamit pingaarnertut eqqarsaatigineqarput:

- Nioqutissanik il.il. pilersuisussaataaneq.
- Ilaasunik assartuineq.
- Nalunaarasuartaateqarneq allakkerisarfeqarnerlu.
- Attaveqatigiissaagaanikkut sanaartorneq isumannaarinninnerlu, matumani aamma mittarfiliortiternerit.

2) Siuliani apequt nangillugu 1), corona pillugu ajornartorsiornerup ingerlatseqatigiiffinnut namminersortitanut kingunissaanut tunngatillugu aningaasaqarnikkut iliuusissat suut pisariaqarsinnaanerit pillugu apeqqummut akissutisinnissaq ataatsimiititaliamit kissaatigineqarpoq.

3) Ingerlatseqatigiiffiit corona pillugu ajornartorsiornerup kingunerinut sanilliullugu taarsigassarsiaqarnikkut aningaasanillu tigorianaannarnik upalungaarsimasuuteqarnikkut inissisimanerat Naalakkersuisunit toqqissisimanartinneqarpa?

Akissut:

Naluneqanngitsut Naalakkersuisut siulersuisunut allattoqarfikkoortumik ingerlatseqatigiiffinnik qanimut oqaloqatiginnipput. Tamatumalu saniatigut ingerlatseqatigiiffiit tamarmik coronamut killiffitsik pillugu allattoqarfimmut nalunaaruteqartarput tassani aningaasanik uninngasuutit, inuttaqarneq il.il. ilanngullugit. Atuuffiit inuiaqatigiit ingerlanneqarneranut pingaarutillit suussusersineqareerput, pilersuinerimullu tunngatillugu maannamut upalungaarsimaneq naammaginartutut nalilerneqarpoq.

Aktiaateqarluni ingerlatseqatigiiffik sakkortunerpaamik eqqugaasoq tassaavoq Air Greenland, ingerlatseqatigiiffimmi taamaallaat ajornartorsiornermi timmisartuussinerinnarnik ingerlatsivoq. Suliffeqarfik namminersortitaq Mittarfeqarfiit isertitatut toqqammavii mittarfinni heliportinilu sulianik ingerlatsinerut qanittumik attuumassuteqarnerat pissutigalugu aamma sakkortuumik eqqugaavoq. Mittarfeqarfiit tigusisinnaatitaanerannut tunngatillugu ilassutitut aningaasaliivigineqarnissamik qinnuteqaat, maanna ataatsimiititaliamit akuerineqartoq innersuussutigineqarpoq, akuersinerlu Naalakkersuisut qujassuteqarfigiumavaat.

Suliffeqarfimmut namminersortitamut Nukissiorfinnut tunngatillugu, suliffeqarfiup coronap COVID-19-ip tunillaassuunneranut atatillugu Kalaallit Nunaanni pilersuinerup isumannaarnissaanik siunertaatumik upalungaarsimanissamut pilersaarusiornera immikkut oqaatigineqassaaq. Nukissiorfiit atortuisa suli ingerlanneqarnissaannut isumannaarisumik nunalu tamakkerlugu pilersuinerimik qulakkeerinnittussanik nalinginnaasumik aningaasaleeqqinnissamut Nukissiorfiit sanaartugassanut aningaasaliissuteqarput. Ingerlatsinerimut tunngatillugu COVID-19-ip atuunnerata Nukissiorfinnut annertuumik pitsaanngitsumik kinguneqarnissaanik maanna takussutissaqanngilaq. COVID-19-ip atuunnera sivitsortuussappat, Nukissiorfiit suliffeqarfiit allat assigalugit isertitanik appartoornikkut sunnerneqarsinnaavoq.

Coronap ajornartorsiutaanera ima annertutigilersinnaallunilu sakkortutigilersinnaavoq, allaat maannakkuugallartoq ingerlatseqatigiiffinnut atatillugu pisariaqartitsinerit suut pilerumaarnerat oqaatigineqarsinnaanngikkallarlu. Taamaattoqarnerata Nunatta Karsiata aningaasanik uninngasuutaasa isumannaarnissaata pingaaruteqassusia erseqqissarpaa – tassani AI2020-mut tunngatillugu karsimik kisitseqqinnerup ingerlanneqarnera, kiisalu

AIS2021-mut tunngatillugu annertuumik tunuarsimanissamut aammalumi nutaanik aningaasartuutissanut tamanut tunngatillugu.

Aktiaateqarluni ingerlatseqatigiiffinnut tunngatillugu ingerlatseqatigiiffinni ataasiakkaani iluanaarutisiassatut ilimagisanut tunngatillugu coronap ajornartorsiortitsinerata tatisinerata ilaatinneqarnissaa Naalakkersuisut naatsorsuutigaat. Tassunga atatillugu ingerlatseqatigiiffinni ataasiakkaani aningaasanik uninngasuutit naapertuutinngitsumik nikissinnaanerat ingalassimatinniarlugu, ingerlatseqatigiiffiit iluanaarutitik tunniussinissaasa ukiup ingerlanerani kingusinnerusukkut – imaluunniit ajornartorsiormerup sivilissusaa apeqqutaatillugu ukiumi kingusinnerusumi – pisinnaanera ingerlatseqatigiit allattoqarfiata isumaliutigaa.

Apeqquut 3:

Nunatta Karsiata akiliisinnaassuseqarnikkut ineriartornera qaammatini aggersuni qanimut malittareqqinnaartariaqartoq Naalakkersuisut paasissutissiissutigaa.

- 1) Naalakkersuisut maannangaaq isumaqarpat Nunatta Karsia siunissami qanittumi aningaasanik tigorianaannarnik upalungaarsimasuuteqarniarnikkut ajornartorsiuteqalis-sasoq?
- 2) Nunatta Karsiata taarsigassarsianik taarsersuisinnaasutut uppernassuseqarnera taarsigassarsiaasinnaasunillu taarsersuisinnaassuseqarnera Naalakkersuisunit toqqis-sisimanartinneqarpa?
- 3) Naalakkersuisut isumaat malillugu kinguaariit tullinnguuttut aggersut akiitsoqaler-sinnissaannut ulorianaatit suuppat?

Akissut:

Inuiaqatigiit aningaasaqarnerani immikkoortut annertuut matoqqatinneqarnerannik pissutsit sivilissusumik ingerlassagaluarpata, soorunami Nunatta Karsiata aningaasanik uninngasuutai tatineqassapput, annertuunillu taarsigassarsinissaq pisariaqalissaaq.

Taarsigassarsiassat pisariaqartut taarsigassarsiariniarnissaasa immikkut ajornakusoortuunnginnissaa Naalakkersuisut nalilerpaat; taarsigassarsinikkulli soorunami aningaasaqarnikkut politikikkut iliuuserineqarsinnaasut ukiumi arlalinni killilerneqassapput. Taamaammallu suliniutit aningaasartuuteqarnissamik pisariaqartitsisut arlallit taamaatiinnarlugilluunniit kinguartinneqarnissaat siumut ilimagereerineqarsinnaavoq. Taamattaarlu Nunatta Karsiani pisariaqartunik taarsigassarsiat taarsigassarsiallu allat Nunatta Karsianit qularnaveeqquserneqartut suliniutinulluunniit ataasiakkaanut atugassanik taarsigassarsinerit kinguartinneqarsinnaallutillu taamaatiinnarneqarsinnaasuni sakkortuumik pingaarnersiutinissaq pisariaqalersinnaavoq.

Naalakkersuisut ukiumi arlalinni taarsigassarsisariaqarsinnaanerup pinaveersimatinneqarnissaa pingaartillugu akisussaassuseqartumik aningaasaqarnikkut politikkeqarneq attanniarsimavaat. Pissutsit massakkutut inneranni inuiaqatigiinni aningaasaqarnerup annertuumik apparinissaanik inuiaqatigiit illersorniarlugit Nunattalu Karsiani illersorneqarsinnaasumik aningaasanik uninngasuuteqarnissaaq isumannaarniarlugu, taarsigassarsinissaq avaqqunneqarsinnaanngitsutut isigineqarpoq. Taamaammatt arlaannik annertussuseqartumik taarsigassarsinissaq pissutsit maannakkutut itsillugit pitsaanerpaavoq, taamaaliornermilu kinguaariit maanna inuusut kinguaariillu tulliit pillugit pissaaq. Pissutsit maanna atuuttut eqqarsaatigalugit aningaasaqarnermik politikimik eqartumik attassiinneq

aningaasaqarnikkut ajornartorsiulernermik pilersitsisinnaavoq, ungasissumullu sammisumik nunatta aningaasaqarneranut kingunerlutsitsisumik inuit nunatsinnit aallaralernerannik nassataqarsinnaalluni. Taamaattoqarneranili sapinngisamik minnerpaamik taarsigassarsariaqarneq allanngortinnagulu, taarsigassarsinerup pissutsit maannakkutut itsiinnarnissaannut atorneqarnanilu suliniutit imminut akilersinnaanngitsut amigartoorutaasullu ingerlatiinnarnissaannut atorneqannginnissaat allanngortinngilaa.

Taamaattoqarneranilu Nunatta Karsiata aningaasanik uninngasuutini upalungaarsimassuteqarnissaata pingaaruteqarnera Naalakkersuisut erseqqissaatigiumavaat. Taamatut upalungaarsimasuuteqarneq ajornartorsiornermi iliuuseqarsinnaalersitsivoq, soorlu 2009-mi Royal Greenlandimut annertuumik aningaasaliisariaqalernikkut maannalu isertitaqarnerussutiniq pissarsinngikkaluarluni aningaasartuutaanersunik Nunatta Karsiata aningaasartuuteqartariaqalernerani taamatut pisoqartoq. Maanna uninngasuutiniq atuinerit ukiuni aggersuni aningaasanut inatsisini missingersuusiornarit aningaasanik uninngasuutit patajaallisaqqinneqarnissaat siunertaralugu misinnartunik sinneqartoorfiunissaat erseqqissarpaallusooq. Taamaaliornermi ukiuni kingullerni politikikkut tapersemeqartunit allaanerusumik missingersuusiornermi siunniussanik attassisinnaassuseq Nunattalu Karsianut nutaanik aningaasartuuteqarfiusussanut tunuarsimaartariaqarneq pisariaqartippaat.

Taamaammallu pisariaqavissut kisiisa pinnagit Inatsisartut ukiakkut ataatsimiinnissaani inatsisissatut aalajangiiffigisassatullu siunnersuutiniq aningaasartuuteqarfiusussanik saqqummiussisanatik Naalakkersuisut aalajangerpaat. Tamatuma isummernissamut tunngavissiaq tamakkuninnga itisiliisoq agguanneqartoq innersuunneqarpoq.

Apeqqut 4:

Naalakkersuisut allanik ataatsimiititaliap apeqqutaanut attuumassuteqartunik paasissutissaateqarpat?

Akissut:

Isummernissamut tunngavissiaq ulloq 6. april 2020-meersoq siusinnerusukkut taaneqartoq innersuussutigineqarpoq. Tamatuma saniatigut Aningaasaqarnermut Siunnersuisooqatigiit policy briefimik taaneqartumik saqqummiussippat, taannalu Ataatsimiititaliamut ilisimatitsissutitut nassiunneqarpoq. Taanna tamanit takuneqarsinnaavoq.

Maannakkuugallartoq ataatsimiititaliap apeqqutigisaanut attuumassuteqartunik Naalakkersuisut allanik oqaatigisassaqaanngillat.